

Aldrich Croes di Hits 100.9FM tocante caso di Ducapro: Nos kier sa na ken mester paga



Pagina 3

- **Hotel Embassy Suites a haya "Juanita Beach" door di un precario vergunning**

Pagina 2

- **Prome minister a tuma e encargo di presidente di OCTA**

Pagina 6

- **Den ultimo 3 aña, TPEF a pone casi 500mil florin pa cultura**

Pagina 4

Arubiano Bjorn Hart ta den seleccion nacional di Hulanda




Pagina 18

Cuatro explosion na Amsterdam durante oranan di anochi



Pagina 9

Ghana ta aproba proposicion anti-LGBTQ cu por manda hende prison



Pagina 24

Gobierno di Aruba cla pa activa ekipo di 60 hende den caso cu derame di petroleo yega costa di Aruba



Dialuna anochi ariba nan pagina oficial di Facebook, Crisis Management Office (CMO) a anuncia cu Aruba a pasa di codigo geel pa codigo oranje den e Oil spill incident Trinidad & Tobago.

Recientemente, segun e portal di noticia local NoticiaCla ta reporta, director di CMO, Rino Hermans, a declara na prensa internacional cu Gobierno di Aruba tin planea pa activa un ekipo di 60 hende, cu ta inclui personal di prome auxilio y personal di limpieza, pa atende cu e situacion di derame di petroleo si

esaki yega costa di Aruba. Manera diferente medio di comunicacion local y internacional a publica, e derame di petroleo cu a sucede na Trinidad y Tobago a yega costa di Bonaire e siman aki y den bista di esaki Aruba a anuncia cu ta pasa for di codigo geel pa un codigo oranje.

E fase oranje aki, CMO ta splica, den e plan di accion pa locual ta regarda Oil Spill pa Aruba ta cu asina cu Bonaire sinti efecto di un Oil Spill Aruba ta pasa pa e fase oranje/standby. Den e fase aki lo pasa na costanan regularmente y monitor si por con-



stata patchnan/teer cu por a yega nan nos costa

egun e portal di noticia ta indica, Hermans a splica cu a dividi Aruba den 4 seccion y cada departamento ta encarga cu e monitoreo di e situacion. Accionnan cu lo wordo tuma den caso cu constata patchnan/teer di azeta na e costa di

Aruba ta:

Accion di limpieza lo tuma luga di inmediato si e ta na un di e sitionan cu publico ta landa; si e ta na un di e sitionan cu turtuga tin neishi of cu nan ta usa pa nan neishi. CMO no lo tuma accion inmediato si ta trata patch/teer riba barancanan, esakinan lo

keda si nan no ta representa riesgo pa hende of bestia

Gobierno di Bonaire a bisa cu e azeta tabata muestra un menasa serio pa tanto humano y naturalesa y cu servicio di emergencia a keda activa, e portal di noticia local a indica.

Hotel Embassy Suites a haya “Juanita Beach” door di un precario vergunning

Mediante un post di Aruba Birdlife Conservation (ABC) ta ilustra e movicion cu tin den un beach ubica cerca di Eagle Beach, na unda a cuminsa pone palapa y prepara e tereno pa asina haciele mas atractivo pa turistanan por disfruta di dje.

Na augustus 2023, minister di Naturalesa, Ursell Arends a informa cu nan como Gobierno tabata considerando un otro opcion cu a propone na e desaroyado di Embassy Suites, ya cu e aanlegvergunning pa crea un beach dilanti Embassy Suites door di e desaroyado Natura N.V tabata uno relevante, na unda cu 23 di juni 2023 Fundacion Aruba Birdlife Conservation (ABC) a solicita hues pa stop e proyecto di beach pa Embassy Suites y corte a honra e peticion aki.

Minister Arends a declara cu na e momentonan ey, departamentonan di Gobierno di Aruba involvi cu e caso aki tabata bezig ta procesando e peticion di ontheffing y alabes tabata considerando un



otro opcion cu a propone na e desaroyado; y manera minister Arends a sigura, nan tabata spera cu den un tempo corto nan lo a yega na un solucion.

Ayer a Bon Dia Aruba a haya e confirmacion cu e hotel a haya un precario vergunning cu ta un tereno pa haci uso di beach cu watersports.

Esaki no ta trata di e mesun tereno cu tabata den disputa legal tempo pasa, sino un otro beach cu ta keda band'i dje, denomina como “Juanita Beach” y cu no tin proteccion di ROPV. Aruba Birdlife Conservation a destaca cu “ta un permiso ‘precario’ concedi pa minister di Infraestructura na e area yama ‘Juanita Beach.’”



Igualmente, Bon Dia Aruba a tuma contacto cu e minister encarga cu e cartera di Infraestructura, cu ta prome minister Evelyn Wever-Croes, ken for di Brussels, unda e ta na e momentonan aki, a sigura cu “ami no ta duna precario vergunning. Mi a depolitisa e proceso y DIP ta encarga cu e proceso completamente. Nan no mester raporta na

mi tampoco. Mientras tanto, mi a puntra a Raiz di bo pregunta y nan a confirma mi cu e compania a haya un precario,” el a sigura.

Mientras tanto, ABC a sigura cu te ainda nan ta den proceso di apelacion pa e caso aki.

Potretnan ta di ABC su Facebook Page.

Aldrich Croes di Hits 100.9FM tocante caso di Ducapro:

“Nos no ta contra pa paga, nos kier paga, pero nos kier sa na ken”

Radio Hits 100.9FM e dia di ayera den oranan di mainta a tene un conferencia di prensa na unda su director Aldrich Croes conhuntamente cu e abogado Gabriela Sjiem Fat di Sjiem Fat & Co a duna nan declaracion tocante e caso cu a tuma luga na corte diabierna 23 di februari caminda Ducapro ta demandando nan pa toca musica cu ta proteha pa e organizacion di proteccion di derechonan di autor Buma/Stemra.

Sjiem Fat a señala cu manera ta conoci Ducapro a entama un caso sumario contra Hits 100.9FM pa e radio no sigui toca musica di artistanan cu Ducapro ta representa, pa esaki, e abogado ta comenta cu nan mester aclaria ken ta e artistanan cu Ducapro ta representa pa asina ey sa kico mag di toca y kico no mag di toca, ademas tambe nan kier sa ken ta e persona cu a apodera nan pa ta di parti di e artistanan aki.

Abogado Sjiem Fat a bisa cu hues a compronde e posicion di Hits 100.9FM na unda cu a bin na cla cu Ducapro ta trahando hunto cu Buma/Stemra cu ta un organizacion internacional cu na Hulanda nan por actua den derecho di musica di parti di autornan “pero na Aruba no tin ni un base den ley actualmente cu ta apodera un organizacion specifico pa haci esey, Ducapro tin intencion pa haci esey pa e islanan den Caribe, aworaki Hits 100.9FM no ta wak pakico nan mester paga Ducapro un suma mensualmente si acaso nan no sa ki derechonan nan ta haya y cua musica nan por toca,” el a bisa.

Hues a duna dos luna di tempo pa sinta cu otro na mesa pa yega na un solucion aceptabel no solamente pa e radio aki sino tambe pa tur e radionan involvi y tambe establecimentonan cu lo ser involucra den e sistema nobo di permiso aki. Si den e caso aki Ducapro ta demostra cu realmente nan ta traha cu Stemra, loke ta resta ta pa fiha e tarifa.

Sjiem Fat a informa cu den un caso sumario no por crea derechonan nobo na e sistema, den e caso cu tin actu-



almente, nan no por forsa ni un hende cera un contract cu Ducapro “si acaso nos no lo yega na un solucion, nan mester dicidi si nan ta sigui cu e caso of si nan ta retir’e.”

El a declara tambe cu den pasado tabatin discusion di si un sistema asina mester a ser introduci na Aruba segun el a compronde, cu “gobierno tambe tabata trahando riba un ley pero no tin prioridad y nunca a bin na cla kico ta bay haci cu derechonan di autor, aworaki tabatin discusion entre Buma/Stemra y radio stacionnan na Aruba si un introduccion di un sistema asina ta desea, e radionan a splica di nan banda con e esaki ta, ki tipo di musica nan ta toca, unda nan ta saca nan subsidio pa por draai y keda na bida y e ora ey Buma/Stemra a realisa cu economicamente e no ta interesante pa nan pa sigui un sistema asina na Aruba, Boneiro y Corsou.”

Den e forma con esaki ta traha internacionalmente segun e abogado ta splica, ta cu tur pais of region tin un organizacion similar cu ta representa e artistanan di unda nan ta bin, Buma/Stemra ta representa e autornan di mu-

sica di Hulanda, si e musica ey ta ser toca na Merca, nan no ta bay cobra na Merca, nan ta cobra un porcentahe di e suma pa Buma/Stemra.

Door cu tur e organizacionnan aki ta traha cu otro, manera Sjiem Fat a declara, tur artista internacional ta ser cubri “aunke Buma/Stemra no ta oficialmente representa Taylor Swift, por ehemplo, si radio ta toca Taylor Swift y nan ta cobra na Aruba, nan ta automaticamente manda e cen pa e organizacion cu ta representa Taylor Swift na Merca.”

E abogado tambe a puntra su mes dicon Ducapro no a bay contra otro establecimentonan cu tambe ta toca musica manera restaurantnan, “tur establecimentonan ey tambe mester tin un licencia,” el a bisa.

Aldrich Croes a sigura cu e caso a ser entama contra Hits 100.9FM, sin embargo, e intencion ta muestra ta cu nan organizacion, esta, Ducapro nan no sa ken nan ta te dia di awe y ademas nan kier cobra e tarifanan cu nan tin pensa pa bay implementa, den e siguiente lunanan nan ta bay

negocia kico Ducapro kier cobra nan.

“Hits 100.9FM su posicion ta cu nos no ta contra pa paga, nos kier paga, nos kier ta legal y sigur tanto den aire como den frecuencia modular (FM) pero nos kier sa na ken nos ta paga, con estructura di e organizacion ta cu ta bay bisa cu nan ta paga e artistanan, pasobra a mi kier ta cubri y sa cu na ken nos ta paga ta ser bon usa pa paga e artistanan, y e placa cu nos ta bay paga, e placa ey no ta ser gana facil, e radionan na Aruba ta den un situacion hopi particular, den apenas 30 kilometer di largura e pais aki cu 115.000 habitante, nos tin 22 radio y 21 ta comercial,” Croes ta comenta.

Tambe, el a sigura cu tur e radio aki ta uni y nan tin e posicion cu nan kier paga pero e hecho ta cu nan kier paga un suma cu ta husto “pa motibo cu e consideracionnan social economico di nos pais ta diferente cu Hulanda y Merca, akinan bo tin mas media den un comunidad chikito, ta gana poco y e cost to doing business ta halto, es decir, cu loke bo ta gana, per minuit berdad na Aruba ta hopi

diferente cu loke bo ta haci na Merca of na Hulanda, dus nos ta desea pa nos sinta na mesa cu e organizacion aki, nos no ta den un obligacion pa yega na un deal cu nan so pero nos ta bay na mesa cu e intencion di yega na un deal cu ta husto pa e emisoranan caminda nos por sigui sobrevivi,” el a afirma.

Na Hits 100.9FM ta toca alrededor di 10% di musica Europeo, 80% di musica Mericano y 10% entre musica Caribense y Arubiano.

Manera ta conoci desde 1 di januari 2024 cualkier compania of persona cu haci uso comercial di musica tin cu paga pa e derecho pa haci esaki. Esaki ta aplica pa cualkier instancia cu ta haci uso di musica di forma comercial, incluyendo radio, DJ, entre otro, segun organizacion pa licencia di musica den Caribe Hulandes, DUCAPRO a informa.

Cualquier persona of compania cu kier haci uso comercial di musica, local y internacional, mester registra boluntariamente pa adkiri un licencia comercial for di e organizacion DUCAPRO, unda cu lo mester paga un suma segun e tamaño y alcance di e compania.

Den caso cu no cumpli cu e licencia aki, esaki por tin consecucionan legal. E companianan cu ta cay aden ta cualkier cu ta usa musica di manera comercial, por ehemplo radio, DJ, pero tambe cafe, restaurant y gym.

Despues cu e noticia cu for di dia 1 di januari 2024 cualkier compania of persona cu haci uso comercial di musica ta bay tin cu paga pa e derecho pa haci esaki, directornan di algun radio stacion na Aruba a reuni cu minister di Telecomunicacion Geoffrey Wever pa presenta nan obheccion pa e decision aki.

E grupo di directornan di radio stacionnan a splica na minister Wever cu desde e introduccion di Internet, Youtube y tur otro medio musical y social, emisoranan a sufri golpinan duro caba pa loke ta trata cantidad di audiencia y nan entrada. Pa hopi radio emisora, mas gasto di operacion kiermen sla mortal.

Segun Minister Oduber

Den ultimo tres aña, TPEF a pone casi 500mil florin disponibel pa cultura di Aruba

Diamars ultimo tabatin un reunion publico pa asina trata e presupuesto di Tourism Product Enhancement Fund (TPEF) den Parlamento di Aruba, cual a keda apobra cu 17 voto na favor. Durante e tratamento di e presupuesto Minister di Turismo y Salud, Dangui Oduber, a elabora ariba diferente punto mientras e tabata contesta preguntanan di parlamentarionan.

Durante e reunion Minister Oduber a presenta e presupuesto di TPEF y unda lo aloca e fondonan pa proyectonan di 2024, cual ta inclui proyectonan di diferente categoria, entre otro atraccionnan turistico, seguridad, medio ambiente y cultura.

E presupuesto di TPEF pa 2024 ta un suma di 3.8 miyon florin. El a splica cu prome cu e reforma fiscal e entradanan cu TPEF tabata ricibi tabata bin for di doñonan di timehsare y TPEF tabata ricibi 2% di e entrada aki.

Despues di e reforma fiscal TPEF ta ricibi 2.2% di e "room tax". E tax aki a wordo aumenta anteriormente, prome cu e reforma fiscal esaki tabata 9.5% y cu e aumento el a bira 12.5%. Di e 12.5% aki TPEF ta ricibi 2.2% cu ta yega na e suma di 3.8 miyon florin.

El a remarca cu den comparacion cu prome cu e reforma fiscal e entrada aki tabata 3.1 miyon florin. Esaki ta nifica



un aumento di entrada pa e presupuesto di TPEF di 700 mil florin pa e aña aki.

Parlamento a aproba e presupuesto di 2024 di 3.8 miyon florin cu pais Aruba ta ricibi for di e "room tax" y e presupuesto aki lo wordo reparti den e proyectonan cu ta cay den diferente categorianan cu TPEF ta inverti den dje.

TPEF ta un fondo cu a wordo traha cu e proposito pa inverti den proyectonan cu ta contribui na e mehoracion di e producto turistico di Aruba.

Un di e categorianan cu TPEF ta inverti den dje ta e categoria di cultura y herencia. Minister Oduber a splica cu e ultimo tres añanan nan a pone casi 500 mil florin disponibel pa e aspecto di cul-

tura di Aruba. E aña aki, el a indica, tin un suma di 150 mil florin presupuesta pa Fundacion Museo Arubano, cual aña pasa tambe a ricibi un contribucion. Apart di esaki tin otro proyectonan den e ramo di cultura cu tin di haber cu TPEF.

E proyectonan cultural cu tin di haber cu TPEF ta inclui inversion den e Ecury Complex, cu ya caba esaki ta e di tres fase. A pone fondonan disponibel tambe pa Museo Arqueologico Nacional Aruba y pa Monumenten Bureau, TPEF ta contribui na Aruba Art Fair tambe.

El a agrega cu recientemente tabatin presentacion pa un proyecto di Stichting Monumentenfonds Aruba pa contribui y participa den

e proyecto di Eagle Refinery Historical Tour. El a resalta cu esaki ta un proyecto cu TPEF ta bay financia y pronto ta bay elabora riba dje un poco mas amplio.

Minister Oduber a enfatisa cu turismo tin un balor hopi grandi pa comunidad di Aruba. El a recorda cu durante di pandemia pueblo di Aruba a experiencia kico e tabata ora cu no tabatin ningun turista na Aruba y kico tabata e consecucionan. "Turismo ta e unico pilar economico y nos tin cu cuida y conserva esaki," el a subraya.

Algun tempo atras Gobierno di Aruba a anuncia cu ta bay cobra turistanan 35 dollar na entrada di aeropuerto via e plataforma di ED Card pa asina solucion parti di e problema di RWZI y tambe independisa Directie Luchtvaart.

Ariba e punto aki Minister Oduber a splica cu e procesonan a cuminsa algun tempo atras caba caminda Ministerio di Turismo y Salud, despues di a tene combersacionnan cu Ministerio di Volksgezondheid, Welzijn en Sport, a pensa pa bin cu un fondo di 15 dollar cu mester wordo cobra via plataforma di ED Card.

El a sigui splica cu e suma aki lo mester wordo parti entre gobierno di Aruba, cu ta haya 60%, parti ta bay pa privatiza Directie Luchtvaart y parti ta bay pa un fondo, pandemische paraatsheidsfond,

pa garantisa cu tin un fondo disponible pa cualkier eventualidad.

E mandatario a indica cu aworaki e fondo aki ta bay bira un acuerdo cu Hulanda ta trahando riba dje. Segun el a indica, tur pais tin cu bay cumpli cu esaki pa tin un fondo pa garantisa cu tur pais ta miho prepara a cualkier eventualidad.

El a sigui splica cu despues a bin cu e proposicion pa privatiza tambe e departamento di DOW cu ta maneha e planta di Bubali Plas/RWZI. Pa haci esaki mester di entrada pa solucionacion e problema y asina a bin cu e pensamiento pa agrega 20 dollar riba e 15 dollar aki.

Minister Oduber a indica cu ainda esaki ta den discusion pasobra tin dos forma pa haya entrada aki pa ora RWZI wordo privatiza. Sea ta cobra e 20 dollar via e plataforma di ED Card of ta cobra esaki den un environmental levy, cual tin caba na hotelnan.

El a splica cu ya caba e hotelnan tin e environmental levy implementa, cual ta fondonan cu ta destina pa atende cu problemanan di medio ambiente. E entidad mester scoge entre e dos rutan aki, sea ta cobra turista prome cu e yega Aruba of ta cobra e turista despues cu e yega Aruba pa asina garantisa cu tin un fondo structural pa solucionacion e problema di RWZI.



Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
 Angenette Figuero (closer editor)
 Leo Maduro
 Andreina Morillo
 Raisa Montilla
 Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Associated Press
 Ret Karibense
 Data Key

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800
 Email: noticia@bondia.com
 aviso@bondia.com
 info@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Conversacion dificil pa... Pa reconoce 'patstelling'...?

Nos Promer Ministro ta na Hulanda, y na Union Europeo den e dianan aki. Pa asunto positivo manera e fondonan pa e proyecto di 'e-governance', pero tambe pa un encuentro cu e Secretario di Estado pa asunto di Reino tocante e problema di diferencia di opinion tocante e necesidad si of no di un ley di Reino di supervision financiero, sin pwerspectiva di solucion.

Pa loke ta trata e proyecto di 'e-governance', esey no mester a tarda mucho mas, ya cu e ta un promesa di e anterior gabinete cu a inicia den e ultimo dianan di 2017. Nos sa, despues a bin Covid y..., enfin, nos ta unda nos ta awe. Te na e momento aki nos a mira poco detaye aparece tocante e beneficianan di un sistema digital cu ta mas transparente pa e ciudadano, pa tur loke tin di haci cu peticion di cualkier indole, pero tin mas.

Nos por supone cu e idea ta pa yega na integra e sistemanan central di dato basico, manera informacion di persona, empresa y tur otro tipo di organizacion y dato di bienes inmueble: tur loke tin di haci cu tereno y propiedad riba nan. Den esaki no mester contempna solamente e ciudadano, sino e avance grandi pa trabao di gobernacion mes, ora e informacion aki ta integralmente disponible pa henter e aparato publico. Naturalmente esaki lo mester bay acompaña cu medida estricto pa proteccion di privacidad di persona; no lo por cansa di ripiti esaki. Ta necesario pa introduci norma estricto pa mantene e datonan na unda nan mester ta y integridad no mester ta den palabra so, sino den regla y castigo pisa pa violacion di e reglanan aki. Nos no tin confianza cu na e momento aki por papia di suficiente estructura den henter gobernacion pa garantiza esey.

Un di e motibonan ta cu nos por ripara cu te awe nos gobernantenan ta keda insisti cu nan mester por dispone, como politico, di infomacion di tur ciudadano cu por vota. Envez cu den e cambionan den ley di eleccion anuncia recientemente, a elimina e suministro di dato na partido politico, pa usa esey como instrumento di control riba pueblo, a 'moderniza' e suministro na e partidonan den forma digital, loke ta haci e uso – indebido – mas facil ainda. No por spera mucho cos bon di politico cu na 2024 ta pensa asina ainda. E ta simplemente en pugna cu Tratado Europeo di Derecho Humano, y ta viola e ambito di privacidad di e ciudadano, cu mester dicidi pa su mes si e ta bay vota of no. E no tin pakico di somete su mes na 'watchdog' di partido na cada urna electoral, dentro di poco arma cu laptop o tablet...

En todo caso, laga nos contempla mas tanto e

beneficianan den operacion gubernamental, kedaando si vigilante riba e tema di respet pa privacidad di e ciudadano den elaboracion di sistema digital; no confia ciegamente cu politico ta haci esaki corectamente.

Afl. 1.438 miyon na 6,9% pa 20 aña

Otro asunto ta e encuentro riba agenda cu e Secretario di Estado. Ta dificil pa mira kico lo por ta resultado positivo si e puntonan di vista ta asina distante. Manera nos a comenta den varios anterior Editorial, di banda Hulandes lo no por haci mucho mas cu keda para riba nan posicion cu Aruba mester acepta e ley di supervision di Reino, sino e tasa di interes halto lo keda. Den su ultimo carta pa Eerste Kamer di e siman aki, e mandatario Hulandes ta duna di conoce tambe cu aña pasa caba, di banda di Aruba, a anuncia cu "no ta existi consensus mas" riba e tema. Loke ta haci e asunto mas serio ainda ta cu Aruba lo mester paga 6,9% riba un suma di en total Afl. 1.438,6 miyon pa 20 aña, pasobra Hulanda ta considera cu algun otro prestamo, duna despues di e apoyo di liquidez, tambe ta cay bao di e condicionnan indica pa e debenan cu mester refinancia. Cuanto esaki lo añadi na e interes extra cu mester paga? Si e debe di Afl. 915 miyon ta resulta den algo mas cu Afl. 300 miyon na interes extra, en todo caso e debe adicional lo añadi mas di 50% di e suma inicial aki, conta Afl. 450 miyon anto...

Awor, nos ta haya privadamente, como medio di comunicacion, e comentario furioso di ciudadano cu ta bisa: "Con nan por haci algo asina?" E contesta, sin intencion cinico, ta cu nan por hacie pasobra ta nos tur hunto ta paga e cos aki, no e politico sinta den Bestuurskantoor o nan parlamentarionan den Staten so. Claro cu e placa ey por ser usa pa hopi otro cos positivo, pero aparentemente ta mas importante pa nan pa nos 'yuda financia' nan orguyo falso. Y tur esey mientras nan mes lo mester admiti cu e supervision via e ley di Aruba ta mes severo cu ora e ta hinca den un ley di Reino. Ta e mesun CAft ta controla y conseha gobierno di Reino. Ta e mesun gobierno di Aruba ta elabora su presupuesto tur aña, ta haci cambio aden, dentro di e normanan palabra. Sali for di e cuadro stipula aki no ta posible sin reaccion di e mesun autoridadhan cu lo actua den caso di un ley di Reino.

Kico anto por spera di e encuentro entre e mandatarionan? Cu nan lo mester despedi reconociendo un situacion di 'agree to disagree'? Manera e situacion ta awor, Hulanda no tin opcion y na Aruba no tin un cambio, sin cambio di gobierno.

Colegio Conrado Coronel lo ricibi un hardin di alimentacion

E iniciativa di agroforesteria den scolnan primario ta sigui florece. Como parti di e proyecto di agroforesteria di Minister di Sector Primario, Sr. Ursell Arends, varios scolnan primario ta plantando nan propio hardin di alimentacion.

E proyecto aki ta parti di un esfuerzo pa promove practicanan agricola duradero y enfatisa e importancia di siguridad di alimentacion bou di e siguiente generacion.

Diasabra awor 2 di maart 2024, di 7'or di mainta pa 1'or di merdia, un grupo dedica di boluntario, maestro, y



alumno lo traha pa planta un hardin di alimentacion na Colegio Conrado Coronel situa na Morgenster 56 D/E. E hardin na Colegio Conrado Coronel lo ta e tercer imple-

mentacion exitoso den e serie di esfuersonan aki.

Colaboracion comunitario lo garantiza cu diasabra awor ta bira un evento impactante, ilustrando e forsa di ense-

ñansa cooperativo. Ademas, e hardin di alimentacion no ta solamente herment educativo, si no tambe ta inspira hobennan pa desaroya un pasion pa plantamento. Den futuro, e hobennan aki por yuda nos disminui nos dependencia riba productonan importa.

“E plantamento na e scolnan basico lo sirbi como un modelo pa loke nos por logra ora nos tur hunto pone nos mannan den tera. Nos ta premira cu diasabra awor lo ta un dia yen di inspiracion, aprendis, y accion comunitario,” segun Minister Ursell Arends. “Ta un honor pa nos por realisa e proyecto aki, y mi ta spera

di por mira miembronan di comunidad bini hunto na Colegio Conrado Coronel y demas scolnan cu falta.”

E proyecto di agroforesteria na scolnan basico ta wordo realiza den cooperacion estrecho cu Santa Rosa y Living Soil Aruba, y sigur e apoyo di boluntarionan.

Minister Arends ta extende su aprecio na tur esnan cu a duna nan aporte na e proyecto aki den un of otro manera, y ta encurasha e comunidad en general pa duna su apoyo y participa activamente den e esfuerzo continuo pa hisa e siguridad di alimentacion na Aruba.

Gobierno di Aruba a inicia proceso oficial pa transforma ex-edificio di OM na Oranjestad den apartamento pa estudiante

Ayera 28 di februari, Gobierno di Aruba oficialmente a inicia e proceso pa transforma e ex-edificio di Ministerio Publico (OM) den Oranjestad den un compleho di apartamento pa estudiante, como parti di diferente iniciativa di Gobierno di Aruba pa revitalisa centro di Oranjestad.



Parti di e vision di Minister di Asunto Economico, Geoffrey Wever ta pa mas hende cuminsa biba den centro di Oranjestad y pa edificionan bandona wordo renoba, specialmente cu destino pa stu-

diente. Hunto cu Minister-President, Sra. Evelyn Wever-Croes, encarga tambe cu DIP, cu ta maneha e propiedadnan di Pais Aruba, a drenta den combersacionnan cu FCCA,

cu a muestra interes pa adkiri e propiedad aki y converti esaki den un “studentenflat” – compleho di apartamento pa estudiante.

Pa cumpli cu reglanan stipula

pa hurisprudencia cu ta conta pa Gobierno di Aruba, mes- ter duna otro interesadonan tambe un oportunidad pa obheccion contra e decision aki prome cu por drenta den un acuerdo definitivo cu FCCA, y pa e motibo ey un publicacion di e intencion di Minister-Presidente y Minister di Economia a tuma lugar 27 di februari ultimo.

E iniciativa aki ta forma parti di un esfuerzo mas amplio pa revitalisa e centro di Oranjestad. Gobierno di Aruba ta comprometi pa revitalisa e curason di e capital, y transforma espacionan bandona

den oportunidadnan pa desaroyo economico, segun un comunicado di prensa. Si studiantenan biba den centro di Oranjestad, nan lo por cana bay Universidad di Aruba y lo trece full un dinamica nobo pa centro di Oranjestad.

E colaboracion entre gobierno y sector priva ta destaca como un ehempel di con planificacion urbano y desaroyo sostenibel por traha hunto pa beneficio di e comunidad, y ta fundamental pa e exito di e proyecto aki, combinando recurso y experiencia pa alcanza un meta comun.

Durante e Ministerial Conference OCTA 2024 na Bruselas

Prome minister a tuma e encargo di presidente di OCTA

Diaranson mainta, durante e conferencia ministerial di OCTA, na Bruselas, Prome Minister Evelyn Wever-Croes a tuma over e presidencia di OCTA di Minister di Relacion Exterior di Groenland Vivian Motzfeldt.

OCTA ta un asociacion di 13 pais y teritorio na ultramar di Union Europeo: Aruba, Bonaire, Corsou, Saba, Sint Eustatius, Sint Maarten, French Polynesia, New Caledonia, Sint Barths, Saint Pierre et Miquelon, TAAF en Wallis and Futuna, y Groenland.

Prome Minister a indica cu e

decision aki sigur ta un reto nobo, cu hunto cu Minister Plenipotenciario y representante di Aruba na Union Europeo, señor Ady Thijsen, lo sa di ehecuta den bienestar di Aruba y tur miembro di OCTA. Como presidente di OCTA, Prome Minister lo traha na facilita e proceso pa Aruba y tur e otro paisnan cu ta miembro, por yega na fondo for di Union Europeo.

Den pasado, Aruba ya a haya sosten financiero di Union Europeo pa ehecucion di varios proyecto. Algun di e proyectonan aki ta, expansion di aeropuerto na 1996, camindanan nobo y un “visi-

tor center” na Parke Nacional Arikok, Bloedbank, y e facultad nobo na Universidad di Aruba SISSTEM.

Pa loke ta e proyectonan di digitalisacion, tambe Aruba lo ricibi sosten financiero di Union Europeo, cu lo wordo firma diahuebs 29 di februari door di Minister di Economia Geoffrey Wever, cu ta e minister autorisa pa firma acuerdonan financiero. Pa e proyectonan aki, Aruba lo ricibi 14 miyon, cu lo haci e procesonan y servicionan di gobierno mas eficiente. Unabes cu e proyectonan di digitalisacion keda cla, comunidad di Aruba lo por haya



tur informacion, y haci transaccionnan via e comodidad di nan cas of trabou.

“E meta di Gabinete Wever-Croes ta pa sigui traha den bienestar di pueblo y pa logra pa e bienestar aki yega den cada hogar. Mi ta compro-

meti pa haci tur loke ta na mi alcance pa Aruba como isla chikito, ta para mas fuerte y resiliente. Mi tin tur confianza cu como presidente di OCTA, mi lo logra cosnan grandi na bienestar y progreso di pais Aruba”, Prome Minister a expresa.

Tony Evers ta pidi Republicanonan di Wisconsin pa usa 125 miyon dollar pa combati contaminacion di kimiconan



(AP)—Gobernador di Wisconsin Tony Evers a reitera diamars cu e lo veto un legislacion Republicano cu lo permiti aprobacion pa combati contaminacion for di kimiconan y atrobe el a puntra e legisladornan Republicano pa uza e 125 miyon dollar poni na banda pa aborda e contaminacion.

Republicanonan cu ta controla e comite di financia di e Legislatura no a responde inmediatamente riba e peticion di Evers, cual ta aumenta e posibilidad cu e placa lo keda sin ser uza indefinitivamente mientras municipionan den e estado ta keda enfrente dificultad cu contaminacion di PFAS den nan awa di tera.

PFAS, of substancianan per-

y polyflourialkyl, ta kimico traha pa humano cu no ta dirti facilmente den naturalesa. Esakinan por haya den varios producto, incluyendo panchinan pa cushina of pañanan resistente pa mancha, y a ser uza frecuentemente den foam pa candela. E kimiconan a ser conecta cu problemanan di salud incluyendo peso di nacemento abao, cancer, malesa di riñon y a demostra di haci vacunan menos efectivo.

Municipionan den Wisconsin ta sufriendo cu contaminacion di PFAS den nan awa di tera, incluyendo Marinette, Madison, Wasau y e pueblo di Campbell riba e isla Frances. E awanan di Green Bay tambe ta contamina.

Republicanonan a crea un fondo di 125 miyon dollar den e presupuesto di e estado aña pasa pa adresa e contaminacion di PFAS. Pa varios luna Evers a purba lucha pa nan por haya e placa pero e comite ainda no a cumpli cu esaki.

Senadornan di estado Eric Wimberger y Rob Cowles a autorisa un legislacion cu ta yama pa aloca placa riba aprobacionnan pa municipionan, propietarionan priva y facilidatnan di desperdicio pa test pa PFAS den planta- y posnan di awa. Propietarionan cu treno cu a bira contamina sin culpa tambe lo ser eligibel pa aprobacionnan.

Varios grupo ambiental a urgi Evers pa veto e legislacion, bisando cu limitenan riba implementacion di DNR ta un “deal-breaker.” Wimbers y Cowles a argumenta cu e limitenan ta necesario pa proteha propietarionan cu no ta responsabel pa contaminacion di PFAS riba nan tereno contra multanan.

Evers a bisa den un carta cu el a ordena oficialnan di DNR pa puntra e comite atrobe pa uza e 125 miyon dollar den e agencia, e biaha aki primintiendo cu e lo ser uza den cuadro di parametronan describi den e legislacion di Wimberger-Cowles. E gobierno a yama e peticion un compromiso.

Hulanda ta campeon Europeo den sintamento, segun TNO

(NLTimes)—Hulanda ta e “campeon Europeo di sintamento” segun un estudio conduci pa e Nederlandse Organisatie voor toegepast-natuurwetenschappelijk onderzoek (TNO). Un kwart di e poblacion Hulandes di 15 aña bay ariba ta sinta pa mas cu 8.5 ora pa dia en averahe, compara cu 11% den e resto di Europa.

Na 2022, trahadonan na Hulanda a pasa un averahe di 8.9 ora pa dia ta sinta. Mas cu mita di e tempo sinta a sosode na trabao (4.5 ora en averahe). En general, un trahador Hulandes ta pasa 3.4 ora ta sinta den nan tempo liber y 1 ora durante biahe pa y for di trabao.

Casi mita di tur trahado Hulandes ta sinta na trabao pa mas cu 6 ora riba un dia di trabao. Hende cu ta traha den e sector financiero ta pasa mayoria di nan tempo na trabao sintando (7 ora), sigui pa trahadornan di IT (6.8 ora). “Esey ta aproximadamente 2.5 ora mas cu e averahe na Hulanda.” E sectornan unda trahadornan ta pasa e menos cantidad di tempo sintando ta catering (1.3 ora pa dia en averahe), agricultura (3.2 ora) y comercio (3.4 ora). Abogadonan cu profesion specifico, specialistanan financiero y desaroyadornan di software ta cay bao di esnan cu ta sinta mas hopi na trabao—7.3 ora riba un dia di trabao.

Un estudio anterior conduci pa e Consejo di Salud Hulandes a muestra cu pa sinta hopi largo ta malo pa bo salud. Hende cu ta sinta mas cu 8 ora pa dia y no ta haci hopi ehercicio tin un riesgo di 74% mas halto pa malesanan cardiovascular y un riesgo di 27% mas halto di morto prematuro compara cu hende cu ta sinta menos cu 4 ora y ta haci hopi ehercicio.

E Consejo di Salud ta conseha hende cu profesionnan den cual bo ta sinta pa interumpi esaki cu movimiento regular. Parce cu pa lanta cana un rato, preferiblemente cada 30 minuut, caba tin efectonan positivo riba e riesgo pa malesanan cardiovascular.

EXECUTORIALE VERKOOP (AUCTION)

PONTON 115 & 117

een perceel eigendomsgrond, **20.668M2**, gelegen te Ponton in Aruba, kadastraal bekend als Eerste Afdeling Sectie K nummer 197.

Inzetprijs: Afl. 2.000.000;
Onderhandse biedingen niet mogelijk.

De openbare verkoop vindt plaats
eerst bij opbod en vervolgens bij afmijning op;

27 maart 2024, om 10:00 uur

ten overstaan van notaris mr. **C.M.A. Helmeyer**, notaris in Aruba,
in het auditorium van de Kamer van Koophandel en Nijverheid
aan de J.E. Irausquin Boulevard 10 in Aruba.

De veilingvoorwaarden zullen uiterlijk 8 dagen voor de verkoopdatum
beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

Azeta derama for di barco a yega costa di Boneiro


(NLTimes)—Azeta cual a sospecha di a bin for di un barco cu a bolter riba costa di Tobago na comienso di luna a afecta e costa di Boneiro, aproximadamente mil kilometer leu. Pisca- y parhanan cubri den azeta a ser descubri riba e tera di lama na e banda oost di e isla na comienso di siman, segun NOS ta reporta.

Autoridadnan no ta considera esaki como un desaster ambiental ainda, pero e parti Caribe di Hulanda ta preocupa. Hefe di waf na Boneiro, Gunther Flanegin, a tuma ac-

cion mesora ora a haya sa cu varios lama na Boneiro tabata contamina.

E isla ta uzando boto- drone y satelitenan pa determina e extento di e daño. Baricadan- an flotando a ser instala pa preveni mas plamamento di e azeta, aunke nan muestra di ta insuficiente pa por para e azeta. Trahadornan di emergencia y limpiadornan tabata trahando pa limpia e plamamento. Si e situacion aki sigui deteriora, gobierno lo mester tuma mas medida.

E gobierno Boneriano a conseha residente- y turistanan pa keda leu for di e lamanan



contamina. “Ta dificil pa controla exactamente con hopi azeta lo sigui plama riba nos costa,” un vocero local a

conta e locutor. Ta parce cu e contaminacion a bin for di e barco Gulfstream, cual a bolter riba e costa di Tobago

na comienso di februari. E tabatin 35,000 bari di azeta crudo. E tin tres siman ta leak azeta den e ocean.

Sospechoso cu a menasa di asesina tur hende na Oisterwijk School acusa di terrorismo

(NLTimes) – E homber di 20 aña cu a drenta un scol primario y a cuminsa haci menasa na Oisterwijk den november ta ser acusa di menasa un crimen terrorista, Corte di Distrito na Breda a bisa diaranson. E sospechoso, Sofian T., tabata bao influencia profundo di alcohol y droga durante e incidente, segun su abogado.

T. a drenta e scol primario dia 14 di november rond di 8or

di mainta. Ministerio Publico (OM) ta acusa cu T. a bisa cu e ta arma, cargando un bom y a priminti di mata tur hende. A nota den e acusacion formal cu e sospechoso tambe a bisa “Allahu Akbar” (Dios ta grandi).

E sospechoso ta nenga mayoria di e acusacionnan. “E lo a bisa solamente cosnan incoherente den e lenguahe Arabe pa motibo cu e tabata seriamente bao influencia di alcohol y droga,” su abogado

a bisa. No tabatin intencion di menasa cu un crimen terrorista, e abogado a declara. El a yama esaki actonan di un persona hoben y bebi cu no por a midi e consecuencianan di su accion.

OM ta considera cu e hecho cu e sospechoso tabata bao influencia no ta cambia e hecho cu su menasanan mester ser tuma na serio. “Varios hende ta haci cosnan malo bao influencia.”



Un mayoria den parlamento Hulandes ta considera cu mester tin mas docente masculino

(NLTimes) – PVV, VVD, NSC, BBB y SGP a reacciona positivamente na un peticion di ChristenUnie su parlamentario Don Ceder, ken kier encurasha mas hende homber pa bira docente di scol primario den un debate di comision diaranson.

“Solamente 13 por ciento di docentenan den scol primario tabata hende homber den aña 2022,” Ceder a comenta. “Nos partido ta haya un problema pa motibo cu figuranan masculino tambe ta necesario pa muchanan admira.”

E diferencia ta significamente mas abao den scolnan secundario y universidadnan. Aant Jelle Soepboer di NSC a bisa cu “un docente femenino por ta un tipo di heroe diferente na loke un heroe masculino por ta.”



Con e partidonan lo logra pa tin mas homber den rolnan di docente den scolnan primario te ainda no ta cla.

Varios parlamentario a sugeri un colegio di training specialisa pa docente dirigi na muchanan di scol primario,

implicando cu hende homber lo ta menos interesa den duna les na muchanan chikito. Den un mocion cu Ceder lo entrega pronto, e parlamen-

tario di ChristenUnie lo haci yamado na e gabinete pa haci trato cu e sector di educacion pa provee mas docente masculino.

Wilders kier pusha pa un gabinete derechista

(NLTimes)—Lider di PVV Geert Wilders kier procede rapidamente cu e formacion di un gabinete derechista. “Esaki a tuma hopi tempo caba,” el a bisa ora el a yega cu lider di formacion Kim Putters. Wilders ta kere cu PVV, NSC y BBB ta “dependiente riba otro” pasobra mayoria di e otro partidonan no kier goberna cu su partidonan.

Pa varios siman, e cuatro partidonan a discuti un cooperacion den un gabinete di mayoria derechista, te ora cu NSC a retira for di discusionnan. E partido jong di ex-miembro di CDA Pieter Omtzigt ta mantene nan porta habri pa otro forma di cooperacion, pero kico esey ta encera no ta claro.

Putters a reuni cu Wilder prome diaranson mainta. Atardi, Pieter Omtzigt y Caroline van der Plas (BBB) lo reuni cune hunto pa un discusion. Ainda no a traha ningun afspraak cu lider di VVD Dilan Yesilgöz.



Putters a ricibi casi tur lider di partido den Tweede Kamer dialuna y diamars pa discuti con pa procede cu e formacion di gabinete cu a keda para. El a bisa cu el a haya e combersacionnan “constructivo” y “informante” pero a reconoce cu ainda e tin un puzel complica pa resolve.

Wilders a tuma contacto cu e otro partidonan diasabra. Despues di dos aña durante cual su partido a oponer fuertemente contra cualkier forma di sosten pa Ucrania, el a bisa cu PVV ta dispuestu pa discuti esaki. E lider di PVV a papia di un “apertura importante” cu ta indica cu e

ta serio pa logra un cooperacion derechista rapidamente.

Solamente dos dia despues cu Wilders a cambia su tono, e fraccion di PVV den Eerste Kamer a vota contra un pakete di sosten nobo pa Ucrania.

E Senado a aproba e ahusta-

mento di e presupuesto pa garantisar prestamo di te cu 2 biyon euro pa Ucrania sin e apoyo di PVV.

Wilders a yama e voto di su Senadornan “basta logico” diaranson. “Mi a bisa nos mes mester discuti esaki,” el a bisa. “Y no cu nos lo vota diferente dos dia despues sin cu a intercambio ni un palabra.”

E otro partidonan tabata menos indulgente. E “palabranan hunta” di Wilders no a yega na mucho, segun parlamentario di GroenLinks-PvdA Jesse Klaver. “PVV no solamente ta desapuntando Ucrania, pero nan actitud tambe ta un menasa directo na nos seguridad nacional.”

Parlamentario di D66, Jan Paternotte, tambe ta critico. “Un otro palabra for di PVV tocante Ucrania? No parece,” el a bisa riba X. “Awe, PVV a vota contra e sosten necesario. Manera antes, contra sosten di arma, contra sancionnan Ruso, contra sosten humanitario, contra F16nan.”

Cuatro explosion na Amsterdam durante oranan di anochi; Declaracion di “guera” pinta na sitionan

(NLTimes)—Cuatro cas na Amsterdam a cay victima pa explosionnan durante oranan di anochi; dos den e distrito Noord, un den Oost y un otro den Zuidoost. Den al menos dos caso, e palabra “guera” a ser skirbi den Ingles riba e muraya. Polis Hulandes ta kere cu e explosionnan por ser conecta na e asesinato di rapero Bigidagoe cu a tuma luga den weekend, AT5 ta reporta.

E prome explosion a sosode rond di 11:45 di anochi na un edificio residencial riba Mastbosstraat den Noord. E explosion a kibra varios bentana den e entrada di e edificio y a causa crack pa forma den otronan. Polis a detene dos sospechoso riba e carretera N247 un rato despues.

E segundo explosion tambe a tuma luga na Noord, e biaha aki riba Terschellingstraat net prome cu 1or di marduga. E incidente ey tambe a causa daño na e entrada di e



edificio. Den e caso aki, e palabra “guera” a ser skirbi riba e muraya, probablemente pa e perpetradornan.

Tambe a haya e palabra “guera” skirbi banda di e entrada di un edificio residencial riba Populierenweg na Amsterdam-Oost, unda e tercer explosion a tuma luga.

E explosion cu a sosode 3:15 di marduga a laga pidanan di glas kibra riba caya. Varios trahadornan tabata na e sitio ainda 11or di mainta pa drecha e edificio.

E di cuatro explosion a sosode riba Kelbergen na Zuidoost. E sospechosonan por a laga algun explosivo na e sitio. Polis a cera e area pa

algun tempo, y e De Explosieven Opruimingsdienst Defensie (EOD) di e chercico a responde na e sitio.

Un conexion na e asesinato di Bigidagoe ta un di e scenarionan cu polis ta investigando. E rapero basa na Amsterdam, di ken su number legal ta Danzel Silos, a ser tira mata cerca di e station di

transporte publico na Amsterdam Sloterdijk diasabra mainta. E victima di 26 aña a ser descubri criticamente herida riba Rhoneweg, y despues a muri na hospital.

El a ser tira den su pecho ora e tabata saliendo for di e fiesta One Night in Amsterdam na e Centro di Evento Rhone rond 5:25 di mainta. Bigidagoe tabata un miembro di Zone 6, un coleccion di musicantenan incluyendo varios cu historianan criminal. E grupo por a haya nan mes den conflicto cu un otro na e fiesta.

Bigidagoe tabata criticamente herida den un tiroteo anterior mas cu tres aña pasa, y a laga tiro los na e cas di su mama un dia despues. E y su compañero di Zone 6, Joël H., miho conoci como Joey AK, tabata entre esnan deteni den conexion cu e secuestre di musicante Kobus L. Na september 2022.

E corte mester a duna huicio riba e caso ey dia 8 di maart binidero.

Welga aeronautica na Argentina ta afecta miles di pasahero

(CNN) – E gremionan aeronautico Asociacion de Personal Aeronautico (APA), Asociacion Pilotos de Líneas Aéreas (APLA) y la Unión del Personal Superior y Profesional de Empresas Aerocomerciales (UPSA) a realiza un welga di 24 ora ayera 28 di februari na Argentina.

E medida a ser confirma despues di un reunion na Secretaria di Trabou den cual no a logra trek un proposicion di aumento salarial di 12% ofreci pa companianan Aerolineas Argentinas y Intercargo dia 23 di februari ultimo. Den un comunicado, e mesun dia ey nan a anuncia e paralizacion di nan actividadnan pa ayera diaranson.

E comunicado a ser manda pa tres sindicato aeronautico y ta sostene cu “e modelo ofreci solamente ta profunda e perdida di poder adquisitivo registra den actual periodo, loke a hiba na un desahuste salarial insostenibel di 70%



pa loke ta trata e inflacion registra.” Den e escrito, sindicatonan a convoca na un conferencia di prensa cu a tuma lugá diamars ultimo y den cual tabata presente e tres titular di e sindicato.

Na prome lugá, secretario general di UPSA, Rubern Fernandez, a informa cu na

luna di october 2023, e gremio tabata conforme cu e ritmo di inflacion, pero cu e cambio di gobierno nan no a tene ni un tipo di ahustacion. “Nan a ofrece nos un 16% di aumento aplica na februari. Nos a bin hunto back y a aparece e oferta di 12% pa cobra na april, loke ta haci cu nos tin un diferencia di 70% di e

costo di bida.” Nan a bisa.

Di parti di ALPLA, Pablo Biro a sostene cu “e derecho pa welga ta un herment valido na nivel di negociacion.” Den mesun linea aki, e dirigente di APA, Edgardo Llano, a sigura cu “Gobierno no tin gana di dialoga cu ni un hende. P’esey, nan ta buscando

confronta e sindicatonan cu ta defendiendo derechonan di trahadonan cu usuarionan.”

Varios compania aereo a informa mediante comunicadonan e cancelacion di nan vuelonan manera Aerolineas Argentina, ken a informa riba “e cancelacion di 331 vuelo di diaranson 28 di februari como consecuencia di un medida di forsa adopta pa tres organizacion gremial cu ta representa trahadonan di e compania,” tambe e comunicado a señala cu e paralizacion di nan actividadnan tabata afecta 24.000 pasahero.

Aeropuerto Internacional di Ezeiza tabata e unico lugá cu tabatin un tiki di actividad, pues American Airlines y Flybondi tabatin nan personal trahando den e gate 6 di e aeropuerto, loke tabata permiti opera nan vuelonan a pesar di e medida di forsa. No obstante, tabata un día cu poco movicion y cu hopi alteracion den tur servicionan.

Ex-hefe paramilitar Salvatore Mancuso a yega Colombia deporta for di Merca

(France24) – Ex-hefe paramilitar Salvatore Mancuso, ken tabata comandante di Autodefensas Unidas de Colombia (AUC), a yega diamars ultimo 27 di februari na Bogota den un vuelo for di Merca, den cual a ser deporta despues cu a cumpli un condena pa narcotrafico na 2020, y a sigura cu ta bay obedecer “condicionnan restrictivo” cu Husticia di su pais ta bay impon’e.

Mancuso di 59 aña, a yega den un vuelo di deportadonan cu a aterisa den Comando Aereo di Transporte Militar (Catam) di e capital Colombiano y awor mester presenta na Husticia pa un dozijn di crimen cometi durante e conflicto arma.

Den e prome imagennan di su deportacion, Mancuso ta aparece cu un bulletproof vest di Migracion Colombia rondia pa agentenan cu escudo antibala, entre e funcionarionan cu a ricibi’e tabata e director di e institucion ey, Carlos Fernando Garcia.

Mancuso, ken ta bay ser cera den e prizon La Picota di Bo-

gota, ta bay keda na disposicion di e hues di eheccion di sentencianan di Husticia y Paz di e capital Colombiano y di e magistrado di Control di garantia di Barranquilla, cu ta e autoridadnan competente pa tuma decisionnan riba Mancuso su libertad, segun Hurisdiccion Special pa Paz (JEP).

Mancuso a aparta su mes di e bida arma na 2006, igual cu e mayoria di integrantenan di AUC, grupo responsabel di e mayoria di crimen cometi durante e conflicto arma segun Comision de la Verdad. Su desmobilizacion tabata despues di un negociacion cu Gobierno di e tempo ey a haci, Alvaro Uribe (2002-2010) ken a extradit’e pa Merca hunto cu 13 hefe paramilitar pa motibo cu nan tabata dedica na narcotrafico. Na Merca, Mancuso a ser condena na 2015 pa 15 aña y 10 luna di prizon pa narcotrafico.

Sin embargo, na maart di 2020 e hues Mericano cu a sentenci’e a señala cu Mancuso a cumpli su condena debi na e dos aña cu e tabata cera na Colombia asina como



tambe e otro añanan cu e tabata cera na Merca wardando pa un huicio.

Como parti di e acuerdo di AUC cu Gobierno, paramilitarnan a acepta e Ley di Husticia y Paz, cu tabata contempla castigo maximo di ocho aña di prizon na cambio di colaboracion pa aclarar crimennan. Mancuso a participa den varios audiencia di

JEP, den cual a duna informacion riba con AUC tabata haci e papel di “un porta” entre aparato militar y paramilitar den varios “patronchi di macro criminalidad” como desplazamento of eheccionnan.

Pa e motibo ey, Gobierno Colombiano a sigura cu ta bay garantisar su seguridad, debi cu su bida por ta den

peliger, segun minister di Defensa, Ivan Velasquez, pa e “aportenan” cu el a ofrece pa haya “e berdad” specialmente na JEP.

Den sentido ey, Mancuso den un carta publica diamars ultimo a sigura cu ta bay obedecer y respecta “e condicionnan restrictivo” cu Husticia di su pais ta bay impon’e.

Guyana ta compromete na proporciona apoyo financiero pa forsa multinacional na Haiti

(DiarioLibre) - Guyana a compromete na proporciona apoyo financiero adicional na e mision di paz cu ta premira pa desplega na Haiti, segun e embahadora di Merca pa Nacionnan Uni, Linda Thomas-Greenfield, a informa diaranson.

Asina e embahadora Mericano a anuncia e noticia den marco di e cumbre di e Comunidad di Caribe (Caricom), cu ta wordo celebra na Guyana y cu su agenda ta hopi enfoca ariba e crisis di Haiti.

“Mi no sa kico ta e cantidad, pero e presidente di Guyana, Irfaan Ali, a compromete su mes na proporciona financiamiento adicional,” Thomas-Greenfield a bisa den un encuentro cu periodistanan.

E embahadora a indica tambe cu Guyana lo apoya e necesidadnan di seguridad y humanitario den futuro di Haiti.

Jamaica ta coordinando e apoyo di Caricom na e mision di mantencion di paz cu, segun Thomas-Greenfield, Merca, Canada, Francia y Reino Uni ta ansioso pa pone den marcha.



Sinembargo, Caricom, un bloke di 15 pais Caribense, a expresa su reservanan pa e barera di idioma, ya cu na Haiti, miembro tambe di e organisacion, nan ta papia Frances.

“Nan kier mas pais cu ta papia Frances y nos ta spera di apoya e esfuerso aki,” Thomas-Greenfield a bisa.

Otro pais cu a demostra su apoyo na e mision, lidera pa

Kenia, tabata Benin, ken a priminti cu nan lo proporciona dos mil agente.

E embahadora a ratifica cu Merca ta comprometi na apoya e forsa multinacional cu ekipo y gran parti di e apoyo logistico, na luga di desplega tropanan Mericano, como tambe cu 200 miyon di dollar.

“Haiti no tin mester loke ta parce un potencia cu ta bay

ocupa e pais, door di cual e compromiso di e paisnan Caribense y Africano ta positivo,” el a bisa.

El a bisa tambe cu a pesar cu ainda no a pone un fecha pa e eleccionnan na Haiti, el a destaca e importancia di brinda apoyo na e Polis Nacional di Haiti, crea e condicionnan pa eleccionnan liber y husto y mehora e condicionnan pa e ayudo humanitario por yega na e poblacion.

Thomas-Greenfield a destaca e necesidad di scucha e oposicion Haitiano: “Ta importante pa tur hende sinta y yega na un acuerdo ariba e caminda cu mester sigui.”

Den su discurso durante un di e reunionnan di e cumbre, e presidente di Guyana, Irfaan Ali, a pidi na tur e partinan interesa den un compromiso y boluntad colectivo pa logra solucionnan duradero. Ta spera cu durante e ultimo dia di e cumbre di Caricom tin un declaracion importante tocante Haiti, despues di e reunionnan cu tabatin na Guyana, den cual e Prome Minister Haitiano, Ariel Henry tabata presente.

E obstaculo principal actualmente pa e despliegue di e mision, aproba pa e Consejo di Seguridad na october di aña pasa, ta aworaki na Kenia, cu a ofrece pa lidera e forsa policial y aporta mil agente.

Dia 26 di januari ultimo, e tribunal di Kenia a paralisa e participacion di e pais den e mision di Haiti door di considera cu e ta inconstitucional, aunke e presidente William Turo a bisa despues cu e tabatin pensa di sigui pa dilanti cu su plannan.

Republica Dominicana: Presidente Abinader ta destaca potencial di economia di e pais

(DiarioLibre) - Den su carta di rindimento di cuenta, e presidente di Republica Dominicana, Luis Abinader, a resalta e comportamiento di e economia di e pais, señalando cu, durante su gestion esaki a crece, den terminonnan real, na un promedio anual di 6.43% di 2021 pa 2023.

“Aña pasa, un año cu ainda tabata dificil pa e economia mundial, nos a cera cu un crecimiento di 2.4%, cual tabata, na e momento ey, e muestra di un di e economianan mas dinamico di e region,” e mandatario a destaca.

Den terminonan di comparacion, Abinader a señala cu na aña 2020 e Producto Interno Bruto (PIB) di Republica Dominicana tabata di 78.923 miyon di dollar y den 2023 ta calcula cu esaki a alcanza 120.629 miyon di dollar.



“Nos a pasa di un renta per capita di 8.583 dollar na aña 2019 pa 11.156 dollar den aña 2023, locual ta significa un aumento di 30%. Durante varios aña nos a pasa na ta e di shete economia di e region superando Ecuador y consolidando nos posicion ascendente,” e presidente a señala. El a remarca cu e datonan


di crecimiento economico mester wordo poni den un contexto den cual mester a tuma medidanan restrictivo pa controla e inflacion, locual a significa cu den e di tres trimestre di aña 2022 e economia tabatin un crecimiento mas poco poco. “Pero awe mi por bisa boso cu e inflacion ta bay cay den e

rango cu nos tin bista riba dje y cu na december di 2023 nos crecimiento tabata ya caba di 4.7% y den luna januari di e aña aki el a alcanza 4.6%. E vision di crecimiento pa 2024 ta situa entre 4.5% y 5.2%, hopi cerca di e crecimiento potencial di Republica Dominicana,” el a destaca.

El a indica tambe cu e reserva di e pais ta situa den un record historico di 15.457 miyon di dollar y el a subraya cu nan ta un pais cu ta inspira confianza, manera e 4.381 miyon di dollar di inversion stranhero directo ta demostra, kibrando e record cu ya caba e pais a alcanza e aña anterior of e mas di 10 miyon di bishitante cu e pais a ricibi den aña 2023.

Presidente Abinader a splica e importancia cu e sector di e zonanan franca tin pa e economia di e pais. El a toca tambe e temanan di empleo y aumento di salarionan realisa durante su gestion. Ademas, el a papia tocante e produccion di agricultura y e prijsnan di alimentonan den comparacion cu paisnan den e region. Abinader tambe a destaca e inversion realisa den infraestructura ariba nivel nacional.

Patrimonio di Donna Summer ta demanda Ye y Ty Dolla \$ign bisando cu nan a usa 'I Feel Love' ilegalmente



(AP) – Patrimonio di Donna Summer a demanda Ye y Ty Dolla \$ign riba diamars pa loke e abogado ta bisa ta e uso "ilegal y sinberguensa" di su cantica "I Feel Love" den nan colaboracion "Good (Don't Die)."

E demanda pa violacion di derechonan di autor a ser

entrega na corte federal di Los Angeles pa Summer su casa, Bruce Sudano den su capacidad como ehecutador di e estado di e 'Disco Queen,' cu a fayece den aña 2012. E demanda ta acusa cu ora representantenan di Ye, anteriormente Kanye West, a pidi permiso pa usa e cantica, nan a ser rechasa pa motibo cu e patrimonio "no tabata kier asociacion cu West su historia controversial." E demanda ta sigui conta cu e album a haci uso "sinberguensa" di e cantica y ta inclui partinan pre-graba di e cantica cu tabata "instantaneamente reconocibel."

"Den bista di e rechazo aki, e acusadonan arogantemente y unilateralmente a dicidi cu nan lo simplemente horta "I Feel Love" y usa esaki sin permiso."

"I Feel Love" co-skirbi pa Summer, Giorgio Moroder y Pete Bellotte, ta un cantica sumamente influy-




ente di Summer su album "I Remember Yesterday," cu ta considera e prome momentonan di musica electronico 'dance'. E concepto tabatin canticanan cu ta rep-

resenta diferente decada. "I Feel Love," cu Summer su canticanan minimalistico y zonidonan peculiar, tabatin e meta di representa e futuro.

Hunter Schafer di 'Euphoria' entre manifestantenan aresta durante Biden su presencia na 'Late Night'

(AP) – Actor Hunter Schafer tabata entre e decenas di manifestante contra guerra aresta na NBC na Manhattan durante President Joe Biden su presencia na "Late Night with Seth Myers" anteriormente e siman aki, segun organisadornan a confirma diaranson.

E actor di 25 aña di edad, conoci pa su rol den 'Euphoria', tabata parti di un grupo di mas di 100 manifestante cu a yena e lobby di 30 Rockefeller Plaza riba dialuna atardi pa haci un yamado pa un al-



to-al-fuego den e guerra entre Hamas y Israel, e grupo Jewish Voice Peace a bisa. Schafer y otro manifestantenan a bisti

t-shirtnan preto cu tabata bisa "Ceasefire Now" y "Not in Our Name" mientras nan tabata grita "Let Gaza Live" (Laga Gaza Biba) y otro lemanan, na momento cu Biden su team di seguridad tabata drenta e area, segun video y potretnan di e evento cu Jewish Voice Peace a provee.

Schafer, ken di mesun manera cu otro manifestantenan, a bisti un tapaboca, ta mira na un punto sinta riba vloer mientras otronan tabatin poster wanta su tras cu palabranan manera "Jews to Biden: Stop Arming Geno-

cide."

Representantenan di Schafer no a responde na mensahenan pidiendo comentario; sinembargo e organisadornan di e protesta a bisa cu su persona y otronan tin cu presenta na corte den e proximo luna. "Nos ta aprecia su compromiso na libertad Palestino y un futuro di husticia pa tur hende," Sonya Meyerson-Knox di Jewish Voice for Peace a bisa den un e-mail confirmando e aresto riba diaranson.

Prins Harry ta perde caso den corte pa seguridad paga cu fondo publico na Reino Uni

(AP) – Prins Harry su lucha pa tin proteccion paga cu fondo publico a keda rechasa diaranson pa hues na London, ken a bisa cu gobierno di Reino Uni no a actua irracionalmente ora cu nan a kita su privilegionan di seguridad despues cu el a retira di su responsabilidnan como miembro di famia Real y a muda bay biba na Merca. Harry tin plan di apela e

decision aki.

Hues di Corte Superior, Peter Lane a bisa cu e decision tuma pa provee seguridad na e Duke di Sussex ora cu esaki ta necesario no tabata fuera di ley, irracional ni tampoco un decision sin hustificacion. "No tin suficiente prueba cu por comproba cu e metodo di provee seguridad ora cu esaki ta necesario a causa dificultad y pa considera esaki un deci-

sion irracional," Lane a skirbi den e veredicto di 51 pagina cu a ser censura pa proteha e identidadnan y areglonan di seguridad pa Harry y otro figuranan publico.

Harry a bisa cu e tin plan di apela e veredicto den e caso aki y sigui desafia e decision di e grupo conoci pa su nomber anterior RAVEC, Royal and VIP Executive Committee, segun un vocero.



Aruba ta logra Top 12 y Best Smile den Miss Teen Grand Universe 2024

Siman pasa a sali for di Aruba nos Miss Teen Aruba International, Emily Anne Andrews pa representa Aruba na Miss Teen Grand Universe na Cartagena, Colombia. Durante full e siman, Emily a sa di destaca y diamars ultimo den e eleccion final Aruba a logra un puesto den e 12 finalista y tambe a logra e premio di Best Smile.

Emily a luci un trahe di gala disena door di Endy Croes y cosi pa Verena Lian. Su estilismo a keda na encargo di Allan Kock.

Ta felicita Sr. George Winterdaal cu ta na cabes di GLW Foundation pa un biaha mas trece otro logro pa nos Isla y nos ta contento cu e trabou realisa pa nos representante.

E team Aruba ta yega diahuebs atardi pa 4.15 cu Avianca y pueblo ta keda invita pa bin yam'e Bon Bini na Aruba.



Chauffeur no a regula su velocidad bay dal tras di auto na Tanki Flip

Diamars atardi a drenta informe di un accidente na Tanki Flip, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur no a regula su velocidad ni a mantene distancia a bay

dal tras di e auto su dilanti yegando rotonde. Afortunadamente ningun hende a resulta herida.

Habitante di Ponton a cende candela 2 biaha pa core sangura



Diamars anochi laat a drenta informe di molester di huma di candela na Ponton, mesora a dirigi patruya na e sitio.

a papia cu e homber y a bis'e cu esaki ta causa molester di huma pa su bisiñanan. Na yegada di bombero mesora nan a paga e candela aki.

En conexion cu esaki polis y bombero a bay na un cas na Ponton pa un persona cu a cende candela den su cura pa core cu sangura.

Un rato despues e homber a bolbe cende e candela bek y polis a bolbe bay pero e biaha aki cu 2 patruya y a adverti e homber si e bolbe cende e candela lo bay tin consecuencia pa su persona.

Na yegada di e patruya nan

TARA LOUNGE

by Elements
RESTAURANT

SUNDAY BRUNCH

\$110 PER COUPLE | CHAMPAGNE INCLUDED
11:45 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3

Casi yegando su cas, chauffeur di pickup ta pega soño y ta baha caminda dal riba troncon di Kwihi

Diadomingo madruga a drenta informe di un accidente cu hende herida na Bloemond, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di e pickup bayendo su cas a pega soño tras di stuur y e vehiculo a baha caminda na

man drechi y a bay dal riba un troncon di Kwihi. Debi na e impacto el a resulta herida na e windshield. Na yegada di e ambulance nan a atende y a transporte pa hospital.



Chauffeur burachi no a regula su velocidad ni a mantene distancia a bay dal tras di otro auto

Diadomingo madruga a drenta informe di un accidente cu hende herida na Sasakiweg, mesora a dirigi tanto polis como ambulance na e sitio.

Na yegada di e patruya un chauffeur a resulta herida pero e no tabata desea di haya atencion medico. Polis a ripara cu un chauffeur ta bao influencia y a detene pa a causa accidente bao influencia di alcohol.



Polis a bay pa un persona drumi den e yerbanan otro banda di caminda di Ritz Carlton

Diadomingo mainta a drenta informe di cu tin un persona benta den e yerbanan otro banda di caminda di Ritz Carlton, mesora a dirigi un patruya na e sitio.

Despues di a busca no a logra encontra cune. Poco mas despues di un ora a bolbe drenta e informe ey y patruya a bolbe bay y a bin encontra cu e persona benta den e yerbanan y a logra lant'e. A bin

resulta cu ta trata aki di un hoben cu tabata basta cansa y a drumi den e yerbanan, polis a scual e y a dun'e un lift pa su cas na Sero Patrishi.



Polis a duna lift na un homber cu su gasolin a caba na un casino

Diadomingo madruga a drenta informe di un homber un poco cansa na RIU casino cu no por a sigui core su auto.

Na yegada di e patruya a bin compronde cu gasolin lo a

caba cu e chauffeur. Pa e seguridad di dje y hende rond polis a duna e homber un lift pa si cas y takelwagen a hiba su auto. Polis a tuma datos di e susededido aki.

Polisnan mannan yen cu peleanan na Palm Beach Plaza y despues na Paseo Herencia

Diasabra anochi polisnan tabata hopi druk cu peleanan prome na Palm Beach Plaza y despues na Paseo herencia, polis buscando e bringadonan a

bin haya un hoben menor cu cosnan ilicito den su poder y a deten'e.

Nan a bay cune na warda di polis unda eynan a yama su


mayornan pa asina polis informa nan cu ainda e mayornan ta responsabel pa e actonan di nan yiu. Polis ademas a pone su nomber den lista di esnan problematico.



Accidente di cadena entre 3 auto a laga un persona herida panort di rotonde Tanki Flip

Diadomingo anochi a drenta informe di un accidente cu hende herida panort di rotonde Tanki Flip, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente entre 3 auto unda un Hyundai Accent no a ripara cu e auto su dilanti a para y el a bay dal tras di un auto Kia y esaki consecutivamente a bay dal tras di e Honda HRV su dilanti. Debi a na fuerte impacto dobel e chauffeur den e Kia a resulta herida. Na yegada di e ambulance nan a atende e victima levemente herida na e sitio mes.



Motociclista cu a purba core pa polis a dal abao cu scooter na Primavera

Diadomingo atardi un patruya di trafico pasando den Primavera a nota un motociclista riba un scooter y ora e motociclista a mira polis a purba di core pa e polis den e maniobra ey el a dal abao.

Eynan mes polis a logra captur'e y a deten'e. Su caida no a lag'e cu lesionnan pero el a keda sin su scooter y pa colmo deteni!

Na Hooiberg

Chauffeur no a regula su velocidad ni a mantene distancia a bay dal fuertemente tras di otro auto

Diadomingo anochi a drenta informe di un accidente cu hende herida na Hooiberg, mesora a dirigi tanto polis como ambulance na e sitio.



Na yegada di e patruya a bin compronde cu aki ta trata di un accidente unda e chauffeur di un Chevrolet Aveo no a regula su velocidad ni a mantene distancia a bay dal fuertemente tras di e Kia Rio su dilanti.

Debi a na fuerte impacto e chauffeur den e Kia a resulta herida. Na yegada di e ambulance nan a atende e victima levemente herida na e sitio mes.

Tour bus a sali dilanti taxi y nan a accidenta na Eagle Beach

Diadomingo atardi a drenta informe di un accidente na Eagle Beach, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un tour bus a sali dilanti un taxi y nan a dal den otro afortunadamente ningun hende a resulta herida.



Polis a detene chauffeur coriendo como loco y no kier a para pa nada

Diadomingo anochi a drenta informe di cu tin un auto riba caminda bayendo pa Santa Cruz coriendo manera loco, mesora a avisa e patruyan an riba caya.

Na altura di e pompstation a topa cu e vehiculo aki esta e Hyundai Accent shinishi A19143 y mesora a bay su tras y dunando e señal pa e para pero el a ignora esaki. Polis a inicia cu un persecucion den cual por a mira claramente e peliger den e forma di cu e chauffeur ta coriendo el a dal borchu trafico y hasta palo di



luz y e auto tabata hopi golpia. Na e crusada di mondi fierno e bentana di chauffeur mes a kibra y esaki a pone cu

e chauffeur no por a sigui core y a para. Eynan polis a haya e oportunidad pa detene y confisca e auto.



Aparentemente un brommer a sali dilanti un Vitz y esaki a pone e chauffeur perde control bay dal den mata di Kwih

Dialuna anochi a drenta informe di un accidente banda di Veld di Estrella na Pabilon, mesora a dirigi un patruya na e sitio.

Na yegada di e patruya a bin compronde cu aparentemente un brommer a sali dilanti un Toyota Vitz y esaki a causa cu e chauffeur a perde

control y a bay dal den un mata. Afortunadamente ningun hende a resulta herida.




Auto a dal mucha riba bicicleta despues di school patras di ELMAR Hato

Dialuna merdia a drenta informe di un accidente cu hende herida patras di ELMAR Hato, mesora a dirigi tanto polis como ambulance na e sitio.

Na yegada di e patruya a bin compronde cu un dama

chauffeur no a mira e ciclista cu tabata coriendo banda pabao di caminda y door di e muraya e no por mira mucha y a dal e y e a cay. E mucha tabata hopi spanta y tabata keha di dolor. Na yegada di e ambulance nan a atende e mucha y a transporte pa hospital.



Auto a dal palo di luz den John G. Emanstraat y a sigui core bay

Diadomingo anochi a drenta informe di un accidente na John G. Emanstraat, mesora a dirigi un patruya na e sitio.

Na yegada di e patruya a bin

compronde cu un auto a dal e palo di luz y a sigui core bay. Polis a haya datonan di e auto y a pasa esakinan pa departamento di trafico cu lo sigui cu e investigacion aki.



Hobennan a intoxica nan mes consumiendo alcohol excesivamente



Dialuna anochi a drenta informe di cu lo tin un hoben cu lo a bira malo na e strand banda di Moomba, mesora a dirigi tanto polis como ambulance na e sitio.

Na yegada di e patruya a bin compronde cu algun hoben menor di edad a bebe bastante alcohol y un di nan

a bira malo. Na yegada di e ambulance a cuminsa atende e hoben di apenas 15 aña y a compronde cu e lo a intoxica su mes cu consumo excesivo di alcohol entre nan Vodka. Mientras cu ta atendiendo e hoben un otro hoben menor di edad tambe lo a bira malo na e sitio. Polis a cuminsa mesora cu un investigacion.

Kiebro y ladronicia na "The Runway" na Sero Blanco



Diamars madrug a drenta informe di kiebro y ladronicia na "The Runway" na Sero Blanco, mesora a dirigi un patruya na

e sitio.

Na yegada di e patruya a bin compronde cu aki ta trata di un caso di kiebro y ladroni-

cia unda e ladronnan a kibra e porta y bay cu varios mercancía. Polis a tuma datos y a pasa esaki pa recherche.

Dia 29 di Februari 2024 ta un fecha special

Dia di Aña Bisiesto

Aruba Astro Research Int. kier a informa pa medio di Sr. Marcos Bislip cu Dia 29 di Februari 2024 ta un dia hopi importante pa cu nos Calendario Gregorio conoci como Dia di Aña Bisiesto, Schrikkeljaar Dag y Leap Year Day. Un dia extra den e calendario Gregoriano cu ta parti di e Aña Bisiesto cada 4 aña cu ta conta cu 366 dia compara cu un aña normal di 365 dia cu 28 di februari cada aña.

Na aña 2020 nos tabata tin e ultimo Aña Bisiesto sigui pa e aña aki 2024 y despues lo sigui aña 2028 y aña 2032. Aña Bisiesto a wordo introduci na 45 BC, esta prome cu Cristo pa Julius Caesar introduciendo e Julian Calendar marcando historia cu e Aña Bisiesto. Dia Bisiesto ta pa calibra, esta mantene e calendario y aña solar cana perfecto cu otro, pero e Julian Calendar a sufri hopi eror durante siglonan cu a pasa. Na siglo 16 Papa Gregorio XIII a trece un reforma un cambio den e calendario introduciendo

asina e Calendario Gregorio cu a mehora e sistema di Aña Bisiesto (Schrikkeljaar, Leap Year), unda ta exclui añanan dividibel pa 100 cu excepcion di añanan dividibel pa 400 pa asina trece un mehora-cion den e calculacion entre e añanan solar y añanan calendario.

E Aña Bisiesto, Schrikkeljaar, Leap Year su Dia 29 di februari ta sumamente importante pa sincronisa nos calendario Gregorian Calendar cu e orbita di nos planeta Tera. Nos planeta ta tuma 365.242190 dia pa completa su orbito rond di e solo cual tambe ta e conteo di fin di aña cu ta wordo haci pa Marco Bislip como astronomico pa 32 aña via centro di observacion y conteo ATSOC y e asociacion nacional Arubano di astronomia Aruba Astro research Int.

E calibracion di Aña y Dia Bisiesto ta di 0.242190 dia cu ta igual na 5 ora 48 minuut y 56 seconde. Durante un Aña Bisiesto y Dia Bisiesto hopi evento special ta tuma lugar. Tin hopi pareha ta drenta la-



sonan matrimonial. Pa esnan cu a nace ariba e fecha aki ta celebra nan cumpleaños dia 28 di februari y otronan ariba dia 1 di maart durante un aña normal di 365 dia. Tin paisnan di cual nan oficina di censo ta acepta pa haci aña dia 28 di februari y otronan cu ta

acepta esaki dia 1 di maart y cada 4 Aña ta celebra esaki ariba Dia 29 di Februari normal. Durante un Aña Bisiesto hopi cosnan hopi malo, bon y unico por pasa mantene fe den e Dios berdadero y no bay tras promesanan falso

di e Dios falso cu lo purba di domina e gran mayoria pa nan finnan personal y trata di kibra humanidad dor di pone un contra di otro laga e amor y e poder di Dios sigui prevalece semper.

Dia Mundial di Yerba di Lama: Proteccion di e ecosistema crucial aki ta esencial

Dia 1 di Maart nos ta celebra Dia Mundial di Yerba di Lama, un dia dedica na conscientisacion di e importancia di yerba di lama y e necesidad pa conserva nan. Yerba di lama ta matanan of flora submarino cu ta crece den awa costal riba superficienan rond mundo y na Aruba sigur. Nan ta hunga un rol crucial den salud di nos oceannan y ta ofrece hopi beneficio.



Directie Natuur en Milieu a publica aña pasa tur e sortonan di yerba di lama cu ta protegi di acuerdo cu nos leyman local Landsbesluit bescherming inheemse flora en fauna (AB 2017 no.48). Tambe nos a informa tocante e sorto di yerba di lama cu ta invasivo. Den cuadro di e Dia Mundial di Yerba di Lama 2024 nos ta dedica atencion na e beneficiacion di conserva e yerba di lama.

Biodiversidad: Yerba di lama ta duna cuminda y proteccion na un variedad grandi di bestia di lama, incluyendo pisca, cangreunan, turtuganan di lama y mamiferonan marino.

Nan ta funciona como areanan cu sortonan ta bay ora cu mester rehabilita y e ta e luga unda piscanan chikito y otro especienan ta sconde pa crece. Asina yerba di lama ta contribui na salud di e cadena di alimentacion completo. Cambio di clima: Yerba di lama ta warda carbon den suelo, yudando asina pa reduci e efectonan cu cambio di clima tin riba hende y mundo. Un hectar di yerba di lama por warda mes hopi carbon cu un mondi (boske) cu matanan grandi caba. Proteccion di costanan: Yerba di lama ta minimalisa e forsa

di ola y coriente di lama ora di mal tempo, asina ta proteha costanan contra erosion. Tambe nan ta hunga un rol importante den filtracion di awa y ta reduci posibilidad di awa contamina. Ademá di nan importancia, yerba di lama ta menasa mundialmente pa actividad humano manera contaminacion di areanan costal, desaroyo den lama y na costanan y cambio di clima. Manera ta calcula, mas cu 30% di e superficie global di yerba di lama a disparce desde aña 1930. Dia Mundial di Yerba di Lama ta un ocasion pa eleva

e consciencia di hende riba e topiconan cu ta menasa e yerba di lama. Asina nos ta enfrenta e retonan y tuma accion pa proteha nan. Con nos tur por aporta na e bienestar y proteccion ta door di:

- Siña tocante yerba di lama y nan importancia. Comparti informacion cu amigonan, famia y colega.
- Sostene un organizacion cu ta traha pa conserva yerba di lama. Haci un donacion of bira un boluntario di un organizacion local of internacional cu ta dedica na proteccion di yerba di lama of algo cu ta relata na esaki manera conservacion di turtuganan e.o TurtugAruba.
- Scoge sostenibel. Reduci bo desperdicio, uza menos awa y sostene negoshi cu ta compromete na proteccion ambiental. Tuma ehempelnan cu e metanan di desaroyo sostenibel ta propaganda.
- Educa otronan di e peliger di contaminacion y demasiado desaroyo na costanan. Door di conscientisa tocante e impacto di nan escogencia, por contribui na un mihor futuro pa e condicionnan di areanan di yerba

di lama y nos oceannan.

Den e diseño por wak e sorto ta conoci na Papiamento como Yerba di Caña y na Ingles como Turtle grass. E nomber aki e ta haya pasobra e yerba ta e cuminda favorito di e turtuganan di lama. DNM ta haci un suplica na usuario di lama pa tene cautela. Na esnan cu tin boto, esaki por causa daño door di e propellernan cu ta kibra e yerbanan aki y sacanan di sedimento. Hende tambe ta causa daño door di ranca esakinan sin motibo. DNM ta stimula hende pa wak, saca potret y comparti bo experiencia na lama cu otro hende respetando nos matanan protegi y ecosistema valioso.

Hunto nos por logra cu yerbanan di lama lo sigui florece y lo sigui ofrece e diferente beneficio cu nan ta brinda pa futuro generacion. Directie Natuur en Milieu ta spera cu e comunicado di prensa aki por yuda na aumenta e conscientisacion tocante Dia Mundial di Yerba di Lama 2024 y e necesidad di conservacion pa futuro.



Anthony Kim lo participa den LIV Golf pa resto di 2024

(AP)—Anthony Kim ta regresa for di un hiato di casi 12 aña pa participa den LIV Golf y lo hunga e resto di e temporada den e liga Saudi como un individual.

LIV Golf a anuncia diaranson cu e atleta di 38 aña ta participando den e liga como un “wild card,” cual ta nifica cu e no lo ser afilia cu ningun di e 13 ekiponan. Hudson Swaf-

ford ta e otro hungado garantisa pa hunga tur e eventonan di individual.

Kim a haci su debut diabierna pasa na LIV Golf Jeddah na Royal Greens Golf and Country Club. E tres-biaha ganado durante e PGA Tour, prome cu e retira cu heridan-an, Kim tabata fuera di bista publico desde cu el a cana bay for di e curso na Quail Hollow stret pa e parking lot ora el a retira despues di un ron-

da di e Wells Fargo Championships na mei 2012.

Kim lo tin un chens pa garna punto cu lo duna un luga den un di e ekiponan di LIV pa e temporada di 2025. Brooks Koepka ta e dos-biaha campeón di LIV Golf Jeddah. Koepka tabata cabando su carera universitario na Florida State ora Kim a hunga competitivamente pa e ultimo biaha.

Arubiano Bjorn Hart ta den seleccion nacional di Hulanda

E Arubiano Bjorn Hart ta forma parti un biaha mas di seleccion Hulandes di futbol di sala cu ta consisti di un delegacion di 25 hungado hunto cu staff, cu ta bay participa den Deaflympics cu lo tuma lugar na estado Erzurum na Turquia. E torneo ta tuma lugar entrante 28 februari te cu 13 maart. E prome encuentro di seleccion Hulandes ta dia 2 maart contra Iran.



Estado Erzurum ta keda 1300 kilometer Oriente di Istanbul, y ta riba 1850 meter halto cu un temperatura di 5 grado.

E paisnan cu ta participa ta: Poule A: Turkia, Iran, Italia, Hulanda, Poule B: Hapon, Brazil, Checo, Kenia, Poule C: Spaña, Kuwait, Algeria, Thailand.

Bjorn tin mas cu 20 aña hungando futbol activo na Hulanda y cu su disciplina un biaha ta forma parti di seleccion di Hulanda.



Beijing eligi como anfitrión di campeonato mundial di track and field na 2027

(AP)—E World Athletics Council a yega na e decision diaranson pa trece e torneo di track and field back na China despues cu e pais a anfitriona esaki na 2015. E decision a bin net despues cu e federacion di track and field Italiano a anuncia cu e ta retirando su candidacia pa anfitriona e campeonatonan mundial na Roma despues cu e gobierno a nenga di

garantisa e 92 milyon dolar necesario pa cumpli cu esaki.

China tambe ta anfitrionando e campeonatonan mundial paden otro aña na Nanjing. E pais a anfitriona e Weganan Olimpico di Zomer na 2008 y e Weganan di Winter na 2022 na Beijing. “Esaki ta un oportunidad masivo pa crece nos deporte y base di fanatico den un di e merca-

donan comercial mas grandi di mundo,” segun presidente di World Athletics, Sebastian Coe, a bisa.

E campeonatonan mundial 2025 lo tuma luga na Tokyo. Aña pasa den zomer, e evento grandi di track a ser anfitriona na Budapest, Hungria, y un aña prome cu esey na Oregon, Merca.

“Cu e anuncia di China como nos siguiente anfitrionador,”



Coe a bisa, “nos ultimo cuatro World Athletics Championships a ser anfitriona pa

e cuatro economianan mas grandi na mundo: Merca, Europa, Hapon y China.”

Weganan di Ajax den UEFA lo bay den conflicto cu concierto na e ArenA na Amsterdam

(NLTimes)—Ajax lo mester busca un otro sitio pa hunga si nan kier cualifica pa e weganan di eliminacion di UEFA Conference League na fin di temporada. Grupo musical Toppers tin conciertonan plania den e Johan Cruyff ArenA na fin di mei, y nan no por simplemente move nan fechanan, segun e gerente di e grupo a bisa.

E probabilidad cu Ajax lo tuma parti den e weganan a bira mas

significante diadomingo ora nan a perde contra rivalnan di Eredivisie, AZ. E distancia pa yega di cuatro luga, e ultimo luga pa entrada automatico den futbol Europeo, ta seis punto. Ekiponan for di e di cinco pa di ocho luga ta cualifica pa e weganan di eliminacion.

“Nos no por move e concierto. E produccion ta demasiado grandi p’e,” segun gerente di Toppers, Benno de Leeuw. “Miho ainda, decenas di nos ta trahando

caba riba dje. E no ta logra.” De Leeuw ta curioso pa mira con Ajax lo resolve e problema. E ta bisa cu nan tin un acuerdo cu e ArenA tocante huurmento di e stadion. P’esey e Toppers no ta informa tocante e discusionnan. No tabatin ningun contacto desde e dia ey.

“Ainda nan ta spera cu nan lo caba den e top cuatro. Pero ban ta honesto: ken a anticipa cu Ajax lo haya nan mes den e situacion aki? Bo no ta consider’e

mes for un perspectiva di Ajax.” Rival Feyenoord por ofrece un ayudo si Ajax caba na di cinco luga. Si e Rotterdammers gana e KNVB Cup, e luganan Europeo cu ta resta lo cambia un luga, y e ekipo na di cinco luga lo drenta e segunda ronda di cualificacion pa e UEFA Europa League automaticamente.

Ajax ta pensa cu ta “trempan ainda” pa conta cualkier cos tocante e weganan di eliminacion.



Departamento di Impuesto ta haci cambio temporal di localidad pa cu servicio publico

En conexion cu trabounan di mantencion necesario

Departamento di Impuesto ta haci un cambio temporal di localidad pa cu servicio publico. Esaki ta debi na trabounan di mantencion necesario na oficina principal na Camacuri. Mientrastanto Departamento di Impuesto kier sigura cu ta sigui brinda servicio na publico sin interrupcion. Siguijente ta sigui un skema di e localidadnan cu lo keda activa durante e proximo siman.

Valido durante proximo siman (maart 4 – maart 8)
Oficina principal na Camacuri:

uri:
Cera

Oficina anexo na Camacuri (Ta drenta na porta nr. 2):
7:45 - 11:30 | 1:15 - 3:30
- Servicio di caha pa persona 60+ (no comerciante) y pa e personanan cu ta haya onderstand
- Busca of entrega plachi di number

Oficina anexo na Camacuri (Ta drenta na porta nr. 5):
7:45 - 11:30 | 1:15 - 3:30
Servicio na cliente:
- Entrega documento
- Busca documento
- Busca carhi di persoan-

snummer

- Informacion tocante areglo di pago

E oficinanan situa na MFA Noord; MFA Paradera; MFA Santa Cruz; MFA Savaneta; Postkantoor San Nicolas:
8:00 - 12:00 | 1:00 - 3:00
- Servicio di caha
- Registra auto
- Haci cambio riba vehiculo di motor

E oficinanan situa na MFA Paradera: 8:00 - 12:00 | 1:00 - 3:00

Servicio na cliente:
- Entrega documento
- Busca documento



- Busca carhi di persoan-snummer
- Informacion tocante areglo di pago

rante e orario di customer: 7:45 - 11:30 | 1:15 - 3:30.
Departamento di Impuesto ta pidi su contribuyentenan pa tuma bon nota di e anuncio importante aki pa asina evita cualkier inconveniencia.

E servicio na cliente via telefon 522 7424 ta continua du-

Resultado Sorteo <i>februari 28</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5853	6530	3211	4879
4835	6100	SUPER5	8562
5057	9701	-	2183

MERDIA	ANOCHI
<p>Sorteo # 4195</p> <p>8633</p> <p>2442</p> <p>4872</p> <p>MULTI X</p> <p>X2</p> <p>BIG 4</p> <p>Sorteo # 4195</p> <p>9753</p> <p>MULTI X</p> <p>X5</p> <p>OFF</p> <p>Sorteo # 2251</p> <p>6813</p> <p>ZODIAC</p> <p>Sorteo # 4195</p> <p>3308</p> <p>Sagitario</p> <p>LUCKY 3</p> <p>Sorteo # 1069</p> <p>568</p> <p>MULTI X</p> <p>X2</p>	<p>Sorteo # 8182</p> <p>8213</p> <p>6600</p> <p>1879</p> <p>MULTI X</p> <p>FP</p> <p>BIG 4</p> <p>Sorteo # 7226</p> <p>3651</p> <p>MULTI X</p> <p>FP</p> <p>OFF</p> <p>Sorteo # 1931</p> <p>7894</p> <p>ZODIAC</p> <p>Sorteo # 5985</p> <p>8664</p> <p>Aquario</p> <p>LUCKY 3</p> <p>Sorteo # 915</p> <p>955</p> <p>MULTI X</p> <p>FP</p>
<p>Sorteo # 2471</p> <p>0 x Jackpot</p> <p>0 x Match 4+</p> <p>7 x Match 4</p> <p>218 x Afl. 12,00</p> <p>Joker 31 Letter L</p> <p>Proximo Jackpot</p> <p>525.000,-</p>	<p>02-08-17-30-34</p>
<p>Sorteo # 6401</p> <p>0 x Jackpot</p> <p>5 x Match 4</p> <p>162 x Afl. 8,00</p> <p>Proximo Jackpot</p> <p>60.000,-</p>	<p>08-14-16-19-20</p>
<p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p> <p>Mega Ball</p> <p>Proximo Jackpot</p> <p>250.000,-</p>	<p>Afl. 550.000,-</p>
<p>Sorteo #</p>	

Celebracion di Himno y Bandera na Biblioteca Nacional Aruba



Dialuna dia 18 di maart, Biblioteca Nacional Aruba lo organisa un bes mas un Dia Cultural, pa cual ta manda un invitacion cordial pa pueblo di Aruba celebra den ambiente caluroso, acompaña pa presentacionnan musical, weganan popular, benta di buki y cuminda crioyo bon surti!

Pa loke ta e schedule pa e presentacionnan musical, esaki ta lo siguiente:
- 10:30 pa 11or di mainta: Gucci Dancers
- 11or pa 11:35 di mainta:

Stephany Quant
- 11.50 pa 12.25 di merdia: TraMus
- 12:40 pa 13:15 di atardi: Folklore Nos Herencia
- 13:30 pa 14:05 di atardi: Strings 297

Cushina lo ta bon surti cu cumindanan cayente como tambe cos dushi. Benta di buki lo cuminsa 9or di mainta 2or di atardi. Esakinan ta inclui bukinan di segunda mano bendi na 1 florin so. Pues probecha y bin celebra nos dushi Himno y Bandera na Biblioteca Nacional Aruba!



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle Centro Medico
Tel. 587 9011 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Santo Rosario y S. S di misa na Alto Vista y na (Blue Army Center) San Nicolas Centro Curason di Maria



Diasabra mainta ta cuminsa resa Santo Rosario pa 6.15. Pa 7or di mainta, S. Misa ta cuminsa na Blue Army Center y Kapel di Alto Vista. Tur hende ta invita pa atende misanan na Alto Vista y Blue Army Center na San Nicolas. Mainta prome cu solo Sali ya hendenan ta percursa pa cuminsa e dia cu oracion.

Aki tin algun obranan pa nos por logra den cuaresma, haci empeño pa penitencianan. Pa den temporada di cuaresma:
Obranan di misericordia corporal:
- Duna esnan cu hamber, di come
- duna nan cu tin sed, di bebe
- Bisti esnan cu ta sunu, di bisti
- Duna peregrino, un luga sigur
- Bishita enfermonan,
- Bishita prisioneronan
- Dera defuntonan
Obranan di misericordia Spiritual:
- Corigi bo ekibokacionnan
- Siña esnan cu no ta comprende
- Conseha esnan cu tin mes-ter
- Consola esnan cu ta tristo
- Soporta desfectonan cu pasenshi
- Pordona esnan cu a ofende bo
- Resa pa bibo y pa defuntonan
Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur

cuta carga responsabilidad pa nos pais Aruba. Pa enfermonan den exterior cu a bay busca nan salud. Cu pronto lo regresa Aruba pa gosa di un bon salud dentro di su famia. Pa esnan cu por hinca rudia. Hinca rudia busca refugio na nos Mama Celestial. E ta guia nos riba e Caminda cu

Dios ta. Cu Mama Maria den nos curason. Ta den tempo di cuaresma, purba sacrifica un poco, come menos, bebe mas awa. nos Mama stima, compana nos den e caminda di Señor. Ban hunto resa pa nos hogar y nos isla Aruba y henter mundo, pa tin pas y comprension pa otro.

Pronostico di tempo



Tempo:
Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un awasero breve

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 37 grado Celsius
UV index: 10

Bahada di solo : 6:49 pm
Subida di solo : 6:55 am

Biento:
Modera for di direccion generalmente oost;
Forsa 3 te 4 (11 te 30 km/ora, 7 te 16 nudo).
Den dia basta fuerte te posiblemente fuerte den rafaga;
Forsa 5 te 6 (31 te 50 km/ora, 17 te 27 nudo).

Situacion general di tempo pa proximo 24 ora:
Humedad disponibel den region por pone de bes en

cuando algun nubia forma y produci un awasero pasahero riba cierto partinan di e isla. Mas aleu por bisa cu e stof fini di Sahara su concentracion lo bira menos. sinembargo, ta sugerir personanan cu trastorno respiratorio pa sigui tene e precaucionan necesario.

Condicionnan maritimo/ estado di lama:
Na partinan protegi di costa: keto, rond di 1 pia.
Na partinan zuid: tranquil te modera, entre 2 pa 3 pia.
Na partinan oost te noordwest di costa: generalmente modera cu olanan di 3 pa 4, localmente 5 pia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Habri portanan santu pa mi,
mi ke drenta y alabá Señor.
Ata e porta di Señor akí,
tur e fielman ta pasa den dje.
Mi t'alabá bo pasobra B'a skucha mi,
pasobra B'a manda mi salbashon.
Salmo 118: 19-20-21

Cu dolor na nos curason, nos ta participa fayecimento



John Albert Croes
Mihor conoci como "John Pizza"
*19-08-1955 - †22-02-2024

Su mayornan: †Marcial "Charly" Croes y †Theresita Croes-de Mei

Na number di su:

Esposa: Jeanette Croes-Fingal

Yiunan: Monique Correa
Jeanine Correa y Zin Habibe
†Susy Croes y †Lisandra Dijkhoff

Nietonan cu ela stima hopi: Kyara Kerkman y Kaylee Croes
Maeve y Vienna Habibe

Rumannan: †Hubert Croes
Tico y Pascualita Croes-Vrolijk y famia
†Rudolf y Florencia Croes-Ras y famia
Erwin y Lupina Croes-Croes y famia
Vilma y Pablo Dijkhoff-Croes y famia
†Melva y Eric Feliciano-Croes
Edward y Angela Croes-Torres Mesa y famia

Sua y cuñanan: †Henrick y †Regina Fingal-Bareño y famia
†Genoveva y Obildo Croes-Fingal y famia
Elvia Fingal y famia
Siegfried y Grace Fingal-Wouters y famia
Swinda y Mengelito Kelly-Fingal y famia
Marlene y Arcolino Maduro-Fingal y famia
Ronald y Lisette Fingal-Lacle y famia
†Roycy y Ruth Fingal-Croes y famia
Mariska Fingal

Su ayudante: Ana Castellar-Guzman

Su ihanan, primo y primanan, bon bisñanan y conocirnan.
Tur su clientenan, amigonan di Gospel y Oracion y chefnan.
Amigonan di Motorcycle. Tur su trahadornan. Su amigo
di semper Roberto Pablo, Mariflor Nicolaas, Su nurse LC
Franckowiak, amigo di cas Greg Croes.

Demas famia: Croes, Fingal, Correa, Kerkman, Vrolijk, Ras,
Dijkhoff, Feliciano, Torres-Mesa, de Mei, Roos, de Jong,
Lacle, Halabi, de Veer, Semerel, Hess, Maduro, Boekhoudt,
Gil, Wever, Winterdal, Wouters, Kelly, Tromp, Habibe, Nico-
laas.

Acto di entierio lo tuma lugar diahuebs 29 di februari 2024
for di 12'or di merdia pa 4'or di atardi na Misa Sta. Filomena
na Paradera.

Oportunidad pa condolencia ta diaranson 28 di februari 2024
di 7'or pa 9'or di anochi na Aurora Funeral Home na Cumana

Nos ta pidi disculpa si den nos dolor nos a lubida un of otro
famia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Bou alanan di dios mi ta sigur mi
refugio, mi forti, mi dios, den kende mi ta
pone mi confiansa - Salmo 91



Ludmilla Shamila Urseilla Benitez-Koolman
Cariñosamente yama Sha of Shami
08-Juni-1970 - 23-Februar-2024
Propietaria di Sha Wheelz And More

Mama: Winney Everon
Tata: †Casper Koolman
Casa: Anuar Benitez Mendoza
Yiunan: Marshall Krozendijk
Selimah Krozendijk
Tata di su yiunan: Gregory Krozendijk
Suegra: Ladys Mendoza
Rumannan: Wendy Koolman y famia
Veruschka y Dinouska Koolman-Mauricia
Jorraine y Ivan werleman-Koolman y yiunan
Jetzebellise Koolman y yiu
Jeremina Koolman
Sobrina/onan: Kimberly Werleman
Raul Jr Lopez y Giselle De cuba Lopez
Cherrylusha Lopez y pareha
Emy Lacle y pareha
Sean Lacle y pareha
Jeadre Koolman
Shaylee Croes
Tanta y omonan: Miriam Everon
†Sila y Bill Everon - Maduro
†Vi Everon y †Irma Everon y yiu
Walter y Jacqueline Everon-Luydens
Gino y Griselda Everon - Koolman
Mayra y Miguel Tromp-Everon
Lourdes "Uchi" y Charly De Cuba-Everon
Marlyn y Osnie de Oliveira-Everon
Chinto Koolman y famia
Ina y Cosme Gomez-Koolman
Anna y Jacobo Henriquez-Koolman
Empleado: Walter Jr y Sra Nadine
Everon - Solognier
Richard realez Benites y pareha

Madrina y padrinonan, ihanan, prima y primonan
y demas famia: Koolman, Everon, Krozendijk,
Benitez Mendoza, Lopez, Maduro, De cuba,
Mauricia, Gomez, Henriquez, Werleman, Lacle,
Croes, Tromp, Luydens, Solognier, Oduber, Sprott,
Bergrok, Winterdal.

Nos sincero disculpa si den nos tristeza nos pora
lubida di menshona famia, amigo/a of conocir ta
inivita famia, conocirnan, clientenan di Sha Wheelz
and More pa entierio cu lo tuma lugar Diasabra 2
Maart 2024 saliendo for di Aurora pa Sha Wheelz
and More 8:00 am y despues pa Aurora pa acto di
entierio entre 9:00 am cu 12:00 pm

Despues di entierio famia no lo recibi bishita na cas
Preferibel bisti blanco of colornan alegre pa dia di
entierio

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di
nada
Den cunucu di yerba berde e ta ponemi
sosega.

E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Fouad Antonio Daou
"Eddie Daou"

Acto di entierio lo wordo anuncia despues.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi no a muri, Dios a hiba mi na e paraiso
priminti.
Mi mision na e mundo a termina pero Boso cu
mi obra continua.
Den cada salida di solo y e supla di biento, mi
amor eterno
pa Boso lo tey pa semper.

Cu inmenso dolor na nos curason, nos ta anuncia
fayecimento di:



Germania Ondina Martinez
Cariñosamente yama: "Oma" of Tia"
*28-05-1928 †23-02-2024

Acto di entierio lo wordo anuncia despues.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cu imenso tristeza na nos curazon y alma, pero conforme cu boluntad di Dios nos ta anuncia fayecimento di nos mama stima:



Mariela Granada Garcia
Cariñosamente yama "Tanchi", "Tanchi Jela" of "Marielita"
*27-09-1949 - 01-02-2024
Viuda di Orlando "Chiky" Wever

Na number di su yuinan:
Luis Fernando Piedrahita y Alix Gallego (Colombia)
Carlos Arturo Granada y Maria Luz Aristizabal (Colombia)
Rafael A. Wever (Aruba)

Manera yui:
Silvia-Monica Semeleer y familia.

Nietonan:
Johan Camilo Piedrahita Gallego (Colombia)
Diego Alejandro Piedrahita Gallego (Colombia)
Miguel Angel Granada Aristizabal (Colombia)
Carlos Daniel Granada Aristizabal (Colombia)
Julian David Granada Aristizabal (Colombia)

Bisanieto:
Christopher Granada Velasquez (Colombia)

Su rumannan:
Francisco Granada Garcia y familia (Colombia)
Jose Alberto Granada Garcia y familia (Colombia)
Maria Rosalba Granada Garcia y familia (Colombia)
Jose Rodrigo Garcia y familia (Colombia)
Jorge Hernan Garcia y familia (Colombia)

Swa y Cuñanan:
Johannes "Jopie" Wever y familia
Serapio "Latie" Wever y familia
Linda Klijn-Wever y familia (Nederlands)
Oswaldo "Dicky" Wever y familia
Sophie Semeleer-Wever y familia
Joyce Wever
Diana Oduber-Wever y familia
Ramon Wever
Shirley Sanders-Wever y familia
Norma Koolman-Wever y familia
Kenneth Wever y familia
David Wever y familia

Ihanan, sobrino y sobrinanan, primo y primanan, comer y compernan, amigo y amiganan, conocirnan, ex coleganan di Lee Feng Supermarket.

Y demas familia:
Granada, Garcia, Piedrahita, Gallego, Aristizabal, Wever, Lopez, Donata, Semeleer, Oduber, Sanders, Koolman, Croes, Vrolijk, de Lange

Ta invita pa asisti na acto di condolencia y despedida, cual lo tuma lugar:
Diasabra, 2 di Maart 2024, na Aurora Funeral Home di 7:00pm pa 9:00pm.
Cremasion lo tuma lugar na Manizales, Caldas - Colombia.

Nos kier a pidi disculpa cu despues di condolencia y despedida, nos no ta ricibi bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Onkruid vergaat niet"



Lucie J.H. Deliège-Lataster
"Lucia"
*03-07-1958 - †25-02-2024

Ouders:
†Pieter Jozef Lataster & Johanna Maria Lataster-Moonen
Echtgenoot:
Joseph Hubert Deliège
Zoon:
†Ivo Caumon
Broer:
†Chris Lataster
De afscheid zal plaatsvinden bij Aurora Funeral Home op vrijdag 1 maart 2024 van 15 uur tot 16 uur.
Hierna zal de crematie in besloten kring plaatsvinden.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com


Een groot gemis, een groot verdriet, maar door alle herinneringen die wij hebben vergeten wij hem niet.

Na een voltooid leven, zoals Peter zelf zei, is hij van ons heen gegaan op weg naar zijn laatste reis, thuis omringd door zijn familie.

Wij gaan onze 'rots in de branding' en leermeester enorm missen.

Peter Westera
"bekend als opa bij velen"

29 juli 1939 - 24 februari 2024



Amersfoort: Michiel & Veronica

Patrick, Berend, Rowen

Leusden: Irene & Chris

Britt, Bo, Benthe

Aruba: Aldert & Samanta

Amanda, Ethan, Nathan

Peter zal naar zijn laatste wens worden gecremeerd in besloten familiekring.

Gelieve geen bezoek aan huis.
Correspondentieadres: Familie Westera, Sabana Liber 76, Aruba of
Per mail: appiesammy@hotmail.com

Famia di rehennan deteni na Gaza cu marcha di 4 dia exigiendo nan liberacion

AP) – Famia di e rehennan deteni na Gaza y nan sostenedornan ta lansando un marcha di cuatro dia, for di sur di Israel bayendo na Jerusalem, pa exigi pa e liberacion di nan sernan keru.

E marcha ta yega mientras negociacionnan ta andando na Qatar pa logra yega na un acuerdo entre Hamas y Israel cu lo conduci na un alto al fuego a cambio di e liberacion di e rehennan.

Presidente Mericano, Joe Biden a bisa cu un acuerdo asina tabata riba mesa, pero oficialnan di Israel y Hamas tabata skeptico di su optimismo.

Negociadornan di Merca, Egipto y Qatar ta trahando riba un marco di acuerdo bao cual Hamas lo libera algun di e decenas di rehen cu tin detenido a cambio di e liberacion di prisioneronan Palestino y un pausa di seis siman den



e bataya. Durante e pausa temporal, negociacionnan lo continua tocante e liberacion di e resto di e rehennan.

E guerra a desencadena un catastrofe humanitario na Gaza y a ocasiona preocupacion global tocante e situacion na Rafah, pueblo mas sur di Gaza na e frontera cu Egipto, unda 1.4 milyon Palestino a busca refugio for di e bombardeo diario di Israel. Casi 30mil Palestino a muri despues di casi cinco luna di e

guerra di Israel den e Gaza Strip, segun ministerio di Salud controla pa Hamas, cu no ta haci distincion den su conteo entre combatiente y civil. Israel ta bisa cu a mata 10mil militante, sin duna evidencia.

E guerra a cuminsa despues cu militantenan lidera pa Hamas a invadi sur di Israel dia 7 di october, matando 1,200 persona, mayoria di nan civil, y secuestrando otro 250 persona y hibando nan Gaza.

Posibel proximo presidente di Indonesia honra cu cuatro strea den rango general a pesar di acusacion di abuso di derecho humano



(AP) —Presidente Indones Joko Widodo a honra un rango general di cuatro strea na minister di defensa Prabowo Subianto, un ex-agente militar cu ta conecta cu abusonon di derecho humano y ken a surgi como e supuesto ganador di e eleccion presidencial dia 14 di februari.

Widodo a duna e promocion honorario na Subianto, 72, dilanti oficialnan militar y policial na Jakarta. Un general di cuatro strea ta e segundo rango militar mas halto na Indonesia, usualmente duna na e agente cu a lidera e ehercito di e pais.

“E premio aki ta un forma di aprecio como tambe confirmacion di e devocion completo di un hende na e pueblo, nacion y estado,” Widodo a

bisa diaranson. E compañero vice-presidencial si Subianto, Gibran Rakabuming Raka, ta Widodo su yiu homber.

Subianto, ken probablemente lo bira e proximo lider di Indonesia, tabata un teniente general y comandante di e forsanan special militar, conoci como Kopassus, cu a ser culpa pa abusonon di derecho humano incluyendo e tortura di 22 activista cu a oponer Suharto, e lider autoritario cu a cay na 1998 despues di protestanan masivo cu a restaura democracia na Indonesia.

Gruponan di derecho humano a bisa cu Subianto tambe tabata involvi den un serie di violacionnan di derecho humano na Timor-Leste den añanan 1980 y 90, ora Indonesia a ocupa e nacion cu awo ta independiente. Subianto a nenga e acusacionnan ey. E supuesto abusonon di derecho humano a resulta cu Subianto mester a sali for di e ehercito y el a ser descargado deshonorablemente na 1998.

Subianto y otro miembronan di Kopassus a ser prohibi di biaha pa Merca pa varios año



debi na e supuesto abusonon di derecho humano cu nan a comete contra e pueblo di Timor-Leste. E prohibicion aki a dura te 2020, ora el a ser kita pa asina e por bishita Merca como minister di defensa di Indonesia.

“Dunando Subianto un titulo honorario di cuatro strea cu su historia den ehercito, y acusacionnan di involvi-

mento den casonan di violacionnan di derecho humano, lo pone e honor y dignidad di e ehercito Indones na berguensa,” segun Gufron Mabrutu, e director ehecutivo di e grupo di derecho Indones, Imparsial.

E victoria di Subianto den e eleccion ainda no ta oficial. Conteonan no oficial a muestra cu Subianto a tuma mas

cu 55% di e votadonan contra su dos rivalnan den un careda di tres partido. Esnan conta, conduci pa agencianan di encuesta y basa riba miyones di muestranan di biyete di voto den e pais, a muestra di ta correcto den e eleccionnan anterior.

Si un conteo oficial confirma e victoria di Subianto, e lo tuma e oficina den october.

Un mision di monitorio internacional ta bisa cu eleccion di Serbia a tuma luga den condicionnan inhusto

(AP)—E eleccion recien di Serbia a tuma luga den “condicionnan inhusto” parcialmente pa via di e involucramento di e presidente y bentahanan sistematico pa e partido gobernante, segun un rapport di e monitornan internacional a bisa diaranson.

E rapport di un oficina di e Organizacion pa Seguridad y Cooperacion den Europa (OSCE) tambe a bisa cu e eleccion na december año pasa den e nacion Balcanico tabata “plega pa retoriconan cruel, parcialidad den e media, presion riba empleadonan di sector publico y maluzo di recursonan publico.”

Serbia ta un candidato pa miembresia di Union Europeo, pero e gobierno populista di Presidente Aleksandar Vucic a enfrente acusacionnan di stroba libertad democratico. E oposicion ta insisti cu e presidente a horta



un victoria di nan den e capital, Belgrade, y cu henter e proceso electoral tabata irregular. E tensionnan politico a resulta den protestanan grandi riba caya.

Vucic y su partido gobernante a nenga cualkier mal com-

portamento. Autoridadnan di eleccion a declara e populistanan gobernante como ganadornan di e vota pa e asamblea Serbia di 250 miembro y pa autoridadnan municipal den 60 comunidadnan.

Citando partinan di e rap-

port nobo di e Oficina di Institucionnan Democratico y Derecho Humano di OSCE, Prome Minister Aña Brnabic a acusa gruponan den oposicion y media independiente di crea un “narrativa falso” tocante e supuesto fraude cu e meta pa destabilisa e pais. “E eleccion na Serbia tabata liber y husto,” Brnabic a bisa, bisando cu e rapport ta probe.

Sin embargo e rapport a bisa cu e “envolvimento decisivo” di Vucic, “hunto cu e bentahanan sistematico di e partido gobernante, a crea condicionnan inhusto pa oposicion.” Tambe el a nota “autocensura entre reporteronan y influencia di gobierno riba mayoria media.”

Algun den oposicion a apoya e declaracionnan haci den e rapport. “Ora un hende bisa bo cu e eleccionnan a tuma luga den condicionnan desigual, faborando un hende, un partido, den un atmos-

fera di polarisacion y discurso di odio...eseynan ta eleccionnan inhusto, no liber y no democratico,” segun lider Serbia Against Violence den oposicion, Marinika Tepic.

E oposicion y algun monitornan local di eleccion a bisa cu votadonan den exterior a ser agrega na listanan di votadonan den Belgrade y a biaha bay e pais riba dia di eleccion pa vota pa e partido gobernante. E acusacionnan ey “ta socava confiansa publico den e integridad di e eleccionnan local y tambe a afecta e aceptancia di e resultadonan parlamentario,” e rapport a bisa. El a urgi pa autoridadnan conduci un “revision di e votado y registranon civil cu e participacion di stakeholdernan relevante.” Su otro recomendacionnan a inclui implementa mecanismo di control pa preveni “intimidacion y presion riba votadonan, incluyendo empleadonan di institucionnan publico y estatal.”

Francia ta aproba proposicion pa haci aborto un derecho constitucional



(AP) – Senado di Francia riba diaranson a adopta un proposicion pa hancra un muhe su derecho pa un aborto den e constitucion, kitando un obstaculo clave pa legislacion cu president Emmanuel Macron a priminti den bista di Merca su accion contra aborto.

Diaranson su voto a bini despues cu Asamblea Nacional a aproba e proposicion den januari. E medida aki awo ta bay dilanti un sesion hunto di parlamento pa su aprobacion, cual ta anticipa, proximo siman. Macron a

bisa despues di e voto cu su gobierno ta comprometi pa “haci un muhe su derecho na tin un aborto irreversible pa medio di hancra esaki den e constitucion.” El a bisa riba X, anteriormente Twitter, cu e lo convoca un sesion hunto den parlamento pa un voto final riba dialuna. Macron su gobierno kier Article 34 di e constitucion modifica pa specifica cu “ley ta determina e condicionnan bao cual ta checuta e libertad di hende muhe tin un aborto, cual ta garantisa.”

E senado a adopta e proposicion cu un voto di 267 voto



na fabor y 50 voto den contra. “E voto aki ta historico,” Husticiero Minister Eric Dupond-Moretti a bisa. “E Senado a skirbi un pagina nobo den derechonan di hende muhe.”

Ningun di Francia su partidonan politico grandi representa den parlamento a cuestiona e derecho pa aborto,

cual a keda descriminalisa den ana 1975. Cu ambos cas di parlamento adoptando e proposicion, dialuna su sesion na Palace of Versailles ta premira di ta mas tanto un formalidad. Gobierno a argumenta den su introduccion di e proposicion cu e derecho di aborto ta bao menasa na Merca, unda Corte Supremo den aña

2022 a retira un declaracion di 50 aña cu tabata garantisa esaki. “Desafortunadamente, e evento aki no ta isola: den varios pais, hasta na Europa, tin olanan di opinion cu ta busca stroba na cualkier costo e libertad di hende muhe pa termina nan embaraso si nan ta desea esaki,” e introduccion di e legislacion Frances ta bisa.

Parlamento di Ghana ta aproba proposicion anti-LGBTQ cu por cera hende pa mas di un decada



(AP) – Ghana su parlamento a aproba un proposicion anti-LGBTQ sumamente controversial riba diaranson cu por manda hende prizon pa mas di un decada.

E proposicion aki a keda introduci na parlamento 3 aña atras y ta criminalisa miembronan di e comunidad aki, ademas di e hende cu ta sostene esaki, incluyendo promocion y provee fondo pa actividadnan relaciona, ademas di publicamente

demonstra afecto na otro.

Papiando cu reporteronan despues cu e proposicion a keda aproba, un di su sponsornan, legislador Sam George, a bisa cu e ta sinti alivia. “Mi ta sinti cu un peso a ser kita for di mi lomba,” el a comenta. E proposicion awo ta riba mesa di presidente pa keda firma y converti den ley.

E ciudadano West Africano tabata considerageneralmente respetuoso cu e derechonan humano compara cu



otro paisnan Africano y e proposicion a trece critica y condena entre e comunidad internacional y gruponan cu ta boga pa derechonan. Un coalicion di activistanan di derechonan humano a bisa cu e ley aki ta den violacion di derechonan humano fundamental. “E proposicion aki ta busca manera di manda riba, entre otro, e derecho pa dignidad, e derecho di

libertad di expresion, libertad di asociacion, libertad pa participa den procesonan, libertad academico, igualdad y no discriminacion,” e grupo a bisa den un declaracion.

Sponsornan di e proposicion a defende esaki bisando cu e meta ta provee proteccion pa muchanan y hendenan cu ta victima di abuso.

Legisladornan cu a propone e proposicion a bisa cu nan a consulta lidernan religioso mientras cu a crea esaki. Entre esunnan bogando pa esaki ta e Consejo Cristian di Ghana, e Obisponan Catolico di Ghana su conferencia Ghana Catholic Bishop’s Conference y e pais su ‘imam’ hefe.